

采芳隨筆卷十九

北平查 彬伯埜輯

竹賢品也為璇璣玉精受氣于元軒之宿號曰君子耐溫
 耐寒貫四時而不改柯易葉操與松柏等中虛白膜外
 皮青綠色或黃或紫或斑駁或小或大或長或短種族
 最多爾雅所謂蕩竹大竹也莽數節節間促鄰堅中其
 中實簡筴中其中空仲無筴篠箭皆別名也戴凱之竹
 譜品類六十有一黃山谷以為所載不詳今考羣芳原
 譜載有方竹斑竹棕竹有三種上曰筴頭次曰樸竹猫竹一作茅竹
 籐一作毛竹雙竹合歡竹也斬竹慈孝竹柯亭竹觀音竹
 籐大而厚一名扶竹

金間碧玉龍公竹龍孫竹徑尺竹四季竹月竹十二

時竹蕙蕩竹大夫竹鳳尾竹龜文竹人面竹黑竹如藤色理

如鐵思摩竹無節竹六節竹跋節竹通竹匾竹藤竹船竹

弓竹一名玳瑁竹涕竹丹青竹十抱竹慈竹一名義竹述異記謂之子母竹

其類別有數種一曰籠竹桂竹桃竹一名桃絲竹較搜竹紋粗相思

竹戴譜又有籊龍竹籊竹細竹也篁竹棘竹一名箭竹一名

名篋竹一單竹一作箬竹苦竹甘竹即淡竹蘇麻竹篔簹竹篠簞

竹即越女試劍竹尋竹般腸竹筋竹夷人以為矛百葉竹一作

笛竹由衙竹土人用為梁柱筇竹山海經謂之扶竹郭璞謂之

籊竹篁竹蓋竹雞脰竹籊竹之類狗竹蘆竹箭竹籊

竹籊竹

二竹皆中矢

簾竹

亦名籊竹

赤竹白竹

俗名白鹿竹一名白木竹

蒼隋竹孤筴竹浮竹籠竹簦竹僧贊寧譜又有孤竹籊

竹木竹利竹雲母竹

大竹也

蔓竹鏞竹

一名天竹其出黃可療風相迷

竹新婦竹白鳥竹魚腸竹籊筒簡簞竹服傷竹笙竹龍

牙竹檳榔竹丹竹拂雲箒竹水竹秣竹篋竹古散竹鶴

膝竹

一名槌竹一名雞腿竹

石籊竹

一名篋箒

三稜竹劉美之續竹譜

又有沙摩竹紫竹猫兒竹

與猫竹異

華陽國志有濮竹

本草作漢

竹本草有董竹峩眉山志方龍竹千歲竹廣東志有電

斑竹婆娑羅竹雲南志有黑竹

可為簫管與原譜黑竹異

麻竹巨竹

未記有雲岡素竹南越志有篋竹

銘曰篋竹既大薄且空中節長一丈

其二
十松

酉陽雜俎有桃枝竹清異錄有蚱蜢竹邵氏聞見後

錄有瑞竹五色線有龍竹閩小記有朱竹劉恂嶺表錄

有越王竹滇之新化州有斑痕細竹

二種皆
可為箸

宋史雍熙

眉山縣獻異竹圖射洪舒州皆有連理竹竹之萌曰筍

竹之節曰筍竹之叢曰篔竹之實曰籜竹之得風而體

天屈曰笑竹死曰筍其旁出根曰鞭老竹曰祖新竹曰

孫竹可為管為杖為冠為船為馬為燈為兜鍪為弓為

矢為簡為硯為紙為瓦為筏為衣為鞋為炭為杯為簞

為器為屋為籬為火曝可以化龍化蛇化雉王子猷以

為此君陸魯望以為瀟灑侯陳陶以為綠玉君盧仝呼

之為第劉屏山以為蒼筤子亦呼靖節處士

夢書竹為處士夢者

尚歸隱也

方清以為清虛居士又呼湘江侯神仙侶洪瑤以

為中虛子筍曰竹萌一曰竹胎一名籜竹一名竹牙一

名茁一名初篁一名竹子一名稚子一名竹豚有筍竹

筍鄱竹筍箭筍筍籥筍鶯筍天目筍竹王林筍桃竹筍

孤竹筍旋味筍葉竹筍桂竹筍蕙竹筍箒竹筍篔竹筍

笠筍篔筍釣絲竹筍木竹筍邛竹筍赤竹筍衛邱竹筍

蘆竹筍對青竹筍慈母山竹筍鍾龍竹筍漢竹筍利竹

筍籥筍鄰竹筍雲母筍籥筍籥筍籥筍少室竹筍渭川

筍鄆杜竹筍鑪竹筍相送竹筍桃枝竹筍新婦竹筍篔

竹筍簞竹筍雞頭竹筍斑竹筍眉筍篋筍沛竹筍白
烏筍魚腸竹筍篁筍摩筍荊竹筍羅浮筍雲邱帝筍
區竹筍寐於筍筭筒筍簡脊竹筍篋竹筍筋竹筍服傷
筍狗竹筍筆竹筍扶竹筍慈竹筍玳瑁竹筍龍牙竹筍
棘竹筍菲竹筍雞脰竹筍檳榔竹筍毛竹筍篁竹筍由
梧竹筍方竹筍丹竹筍毛斑竹筍沙麻竹筍白竹筍拂
雲筍竹筍雙梢竹筍寐竹筍木竹筍水竹筍古散竹筍
秋蘆竹筍鶴膝竹筍石籬竹筍紫竹筍月竹筍三稜竹
筍又有素筍青筍夏筍金筍邊筍平頭筍毛筍銀筍瑞
筍玉版筍謝豹筍苦筍濟貧筍英筍等名山海經注竹

六十年一易根易根必生花生花必結實結實必枯死
實落土復生該聞集舊傳竹實為鸞鳳所食今近道竹
間時見開花如棗結實如麥江淮間號為竹米以為荒
年之兆其竹即死信非鸞鳳之食也近有餘干人來言
彼有竹實大如雞子竹葉層層包裹味甘勝蜜生滿竹
林茂密處乃知鸞鳳所食必非常物也宋謝希逸贊云
瞻彼中唐綠竹猗猗貞而不介弱而不虧香裊人圃蕭
瑟雲崖推名楚潭美質梁池宋宋景文紫竹贊云竹生
三歲色乃變紫伐幹以用西南之美慈竹贊云根不他
引走得慈名中實外堅筍不時萌末或下垂苒弱綠縈

後竹贊云葉淺身竹族生不蔓有皮無枝實中而幹方
竹贊云竹筍皆圓此獨方形厚倍於竅細節稜稜梁元
帝詩云嶰谷管新抽淇園節復修作龍還葛水為馬向
并州柯亭臨絕澗桃枝夾細流冠學芙蓉勢花堪威鳳
游印王若有獻張騫應拜侯劉孝先詩云竹生空野外
梢雲聳百尋無人賞高節徒自抱貞心耻染湘妃淚羞
入上宮琴誰能製長笛當為吐龍吟虞羲見江邊竹云
挺此堅貞性來樹朝夕池秋波漱下趾冬雪封上枝歲
蕤防曉露葱蒨集羈雌含風自颯颯負雪亦猗猗金明
無異狀玉洞良在斯但恨非嶰谷伶倫未見知陳陰鏗

侍宴賦得夾池竹云夾池一叢竹垂翠不驚寒葉醞宜
城酒皮治薛縣冠湘川染別淚衡嶺拂仙壇欲見葳蕤
色當來兔苑看張正見賦得風生翠竹裏云金風起燕
觀翠竹夾梁池翻花疑鳳下颺水似龍移帶露依深葉
飄寒入勁枝聊因萬籟響詎待伶倫吹唐李巨川詩云
高簞楚江濱嬋娟含曙氛白花搖鳳影青節動龍文葉
埽東南日枝梢西北雲誰知湘水上流淚獨思君宋延
清綠竹引云青溪綠潭潭水側修竹嬋娟同一色徒生
仙寔鳳不遊老在空山人詎識妙年秉願逃俗紛歸卧
嵩邱弄白雲含情傲睨慰心目何可一日無此君陳伯

玉修竹篇云龍種生南嶽孤翠鬱亭亭峰嶺上崇翠烟
雨下微冥夜聞鼯鼠叫晝聒泉壑聲春風正澹蕩白露
已清泠哀響激金奏密色滋玉英歲寒霜雪苦含彩獨
青青豈不厭凝冽差比春木榮春木有榮歇此節無凋
零始願與金石終古保賢貞不意伶倫子吹之學鳳鳴
遂偶雲和瑟張樂奏天庭妙曲方千變簫韶亦九成信
蒙雕斲美常願事仙靈驅馳翠虬駕伊鬱紫鸞笙結交
羸臺女吟弄升天行攜手登白日遠遊戲赤城低昂元
鶴舞斷續綵雲生永隨衆仙逝三山遊玉京張曲江詩
云清切紫庭垂葳蕤防露枝色無元月變聲有惠風吹

高節人相重虛心世所知鳳凰佳可食一去一來儀蔣
煥卿詩云中禁夕沈沈幽篁別作林色連雞樹近影落
鳳池深為重凌霜節能虛應物心年年承雨露長對紫
庭陰王摩詰竹里館云獨坐幽篁裏彈琴復長嘯深林
人不知明月來相照太白慈姥竹云野竹攢石生含烟
映江島翠色落波深虛聲帶寒早龍吟曾未聽鳳曲吹
應好不學蒲柳凋貞心常自保少陵詩云綠竹半含籜
新梢纔出墻色侵書帙晚陰過酒樽涼雨洗娟娟淨風
吹細細香但令無剪伐會見拂雲長岑嘉州范公叢竹
歌云世人見竹不解愛知君種竹府庭內此君托根幸

得地種來幾時聞已大盛暑翛翛叢色寒間宵滅滅葉
聲乾能清案牘簾下見宜對琴書窗外看為君成陰將
蔽日迸筍穿堦踏還出守節偏凌御史霜虛心願比郎
官筆君莫愛南山松樹枝竹色四時也不移寒天草木
黃落盡猶自青青君始知崔涯詩云領得溪風不放迴
傍牕緣砌遍庭栽行招野客為鄰住看引山禽入郭來
幽院獨驚秋氣早小門深向綠陰開誰憐翠色兼寒影
靜落茶甌與酒杯劉文房詩云昔種梁王苑今移漢將
壇蒙籠低冕過青翠卷簾看得地移根遠經霜抱節難
開花成鳳實嫩筍長漁竿靄靄軍容靜蕭蕭郡宇寬細

音和角暮踈影上門寒湘浦何年變山陽幾處殘不知
軒屏側歲晚對袁安又斑竹云蒼梧千載後斑竹封湘
沅欲識湘妃怨枝枝滿淚痕朱長通詩云青竹何森然
沈沈獨曙前出墻同浙瀝開戶滿嬋娟籜卷初呈粉苔
侵亂上錢踈中思水過深處若山連疊夜常棲鷺清朝
乍有蟬砌陰迎緩策簷翠對歌眠迸筍雙分箭繁梢一
向偏月過驚散雪風動極聞泉幽谷添詩譜高人欲製
篇蕭蕭意何限不獨住湘川張南史詩云竹價長東南
別種殊草木成林處處雲抽筍年年玉天風起成韻池
水涵更綠閒臨庾信園數竿心自足柳子厚詩云簷下

踈篁十二莖襄陽從事寄幽情祇應更使伶倫見寫盡
雌雄雙鳳鳴昌黎新竹云筍添南階竹日日成清闕縹
節已儲霜黃苞猶拚翠出欄袖五六當戶羅三四高標
陵秋嚴貞色奪春媚稀生巧補林併出疑爭地縱橫乍
依行爛熳忽無次風枝未飄吹露粉先含淚何人可攜
玩清景空瞪視又竹洞云竹洞何年有公初斫竹開洞
門無鎖鑰俗客不曾來李季友詩云負郭依山一徑深
萬竿如束翠沈沈從來愛物多成癖辛苦移家為竹林
劉言史詩云繞屋扶踈聳翠莖苔滋粉漾有幽情丹陽
萬戶春光靜獨自君家秋雨聲又詩云繞屋扶踈千萬

竿無人相誘獨行看日光不透烟常在先校諸家一月
寒張文昌詩云獨入千竿裏綠巖踞石層筍頭齊欲出
更不許人登樂天題小橋前新竹招客云雁齒小紅橋
垂簷低白屋橋前何所有苒苒新生竹皮開拆褐錦節
露抽青玉筠翠如可餐粉霜不忍觸閒吟聲未已幽翫
心難足管領好風烟輕欺凡草木誰能有月夜伴我林
中宿為君傾一杯狂歌竹枝曲又東樓竹云瀟灑城東
樓繞樓多修竹森然一萬竿白粉封青玉卷簾睡初覺
歌枕看未足影轉色入樓牀席生浮綠空城絕賓客向
夕彌幽獨樓上夜不歸此君留我宿又竹窓云嘗愛輞

川寺竹牕東北廊一別十餘載見竹未曾忘今春二月
初卜居在新昌未暇作廐庫且先營一堂開窓不糊紙
種竹不依行意取北簷下窓與竹相當透屋聲淅淅逼
人色蒼蒼烟通杳靄氣月透玲瓏光是時三伏天天氣
熱如湯獨此竹窓下朝迴解衣裳輕紗一幅巾小簟六
尺牀無客盡日靜有風終夜涼乃知前古人言事頗諳
詳清風北窓卧可以傲羲皇又洗竹云布裘寒擁頸瓊
履溫承足獨立冰池前久看洗霜竹先除老且病次去
纖而曲翦葉猶可憐琅玕十餘束青青復籊籊頗異凡
草木依然若有情迴頭語僮僕小者截魚竿大者編茅

屋勿作簞與箕而令糞土辱又題盧秘書夏日新栽竹
云湘竹初封植盧生此考槃久持霜節苦新托露根難
等度須當砌踈稠要滿欄買憐分薄俸栽稱作閒官葉
翦藍羅碎莖抽玉琯端幾聲清淅瀝一簇綠檀欒未夜
青嵐入先秋白露溥拂肩搖翡翠熨手弄琅玕韻透窓
風起陰鋪砌月殘炎天聞覺冷窄地見疑寬梢動勝搖
扇枝低好挂冠碧籠烟幕幕珠灑雨珊珊晚籜晴雲展
陰芽蟄虺蟠愛從抽馬策惜未截魚竿松韻徒煩聽桃
夭不足觀梁慙當家杏臺陋本司蘭撐撥詩人興勾牽
酒客歡靜連蘆簟滑涼拂葛衣單豈止消時暑應能保

歲寒莫同凡草木一種夏中看又題李次雲牕竹云不
用裁為鳴鳳管不須截作釣魚竿千花百草凋零後留
向紛紛雪裏看元微之寺院新竹云寶地琉璃圻紫苞
琅玕躡亭亭巧於削一一大如拱冰碧林外寒峰巒眼
前聳槎枒矛戟合屹仡龍蛇動烟泛翠光流歲餘霜彩
重風朝竿籟過雨夜鬼神恐佳色有鮮妍修莖無擁腫
節高迷玉鏃籜綴疑花捧詎必太山根本自仙壇種誰
令植幽壤復此依閒冗居然霄漢姿坐受藩籬塵噪集
勸鴟烏炎昏繁蠖蠓未遭伶倫聽非安子猷寵威鳳來
有時虛心豈無奉又慈竹云慈竹不外長密比青瑤華

茅攢有森束玉立無蹉跎纖粉妍膩質細瓊交翠柯亭
亭霄漢近靄靄雨露多冰碧寒夜聳簫韶風晝羅烟合
朧朧影月泛鱗鱗波鸞鳳一以顧燕雀永不過幽姿媚
庭實顛氣凌天涯峻節高轉露貞筠寒更佳托身仙壇
上靈物神所呵時與天籟合日聞陽春歌應憐孤生者
摧折成病疴又新竹云新篁纔解籜寒色已青葱冉冉
偏凝粉蕭蕭漸引風扶疎多透日寥落未成叢唯有團
團節堅貞大小同賈闋仙詩云綠竹臨詩酒嬋娟思不
窮亂枝低積雪繁華亞寒風蕭颯疑泉過縈迴有徑通
侵庭根出土隔壁筍成叢疎影紗牕外清音寶瑟中卷

簾終日看歌枕幾秋同萬頃歌王子千竿伴阮公露光
憐片片雨潤愛濛濛嶰谷蠻湖北湘川灞水東何如軒
檻側蒼翠裊長空李公垂詩云東南舊美凌霜操五月
凝陰入坐寒烟惹翠梢含玉露粉開春籜聳琅玕莫令
戲馬童兒見試引為龍道士看知爾結根香實在鳳凰
終擬下雲端姚秘書竹裏徑云微徑嬋娟裏唯同靜者
知跡深苔長處步狹筍生時高是連幽樹窮應到曲池
紗巾靈壽杖行樂復相宜杜牧之栽竹云本因遮日種
却似為溪移歷歷羽林影踈踈烟露姿蕭騷寒雨夜敲
戛晚風時故國何年到塵冠挂一枝又題劉秀才新竹

云數莖幽玉色曉夕翠烟分聲破寒窓夢根穿綠蘚紋
漸籠當檻日欲礙入簾雲不是山陰客何人愛此君李
遠隣人自金仙觀移竹云移居新竹已堪看劖破莓苔
得幾竿圓節不教傷粉籜低枝猶擬拂霜壇墻頭枝壓
和烟綠枕上風來送夜寒第一莫教漁父見且從蕭颯
滿朱欄方雄飛題新竹云青苔劖破植貞堅細碧竿排
鬱眼鮮小鳳凰聲吹嫩葉短蛟龍尾裹輕烟節環膩色
端勻粉根拔秋光暗長鞭怪得入門肌骨冷綴風黏月
滿庭前施肩吾湘竹云萬古湘江竹無窮奈怨何年年
長春筍只是淚痕多陳羲農詩云不厭東谿碧玉君天

壇雙鳳有時聞一峰曉似朝仙處青節森森倚絳雲萬
枝朝露學瀟湘杳靄孤亭白石涼誰道垂龍不行兩春
雷入地馬鞭狂嘯入新篁一里行萬竿如甕鎖龍泓驚
巢翡翠無尋處閒倚雲根刻姓名青嵐第亞思吾祖綠
潤偏多憶蔡邕長聽南園風雨夜恐生鱗甲盡為龍迸
玉閒抽上釣機翠苗番次脫霞衣山童泥乞青驄馬騎
過春泉製手飛獨題內史琅玕塢幾醉山陽瑟瑟村剩
養萬莖將婦俗莫教凡鳥鬧雲門燕燕雛時紫米香野
溪羞色過東墻諸兒莫拗成蹊筍從結高籠養鳳凰一
節呼龍萬里秋數莖垂海六鰲愁更須瀑布峰前種雲

裏欄干過子猷邱壑誰堪話碧鮮靜尋春譜認嬋娟會
當小殺青瑤簡圖寫龜魚把上天元圃千春閉玉叢
滯陽一祖碧雲空不須騷屑愁江島今日南枝在國風又
題僧院竹云喜遊蛟井寺復見炎州竹杳靄萬丈間嘯
風清獨速江南正霜霰吐秀弄顛頊似瑞鷲堅貞如魔
試金粟筍非孝子泣文異湘靈哭金碧誰與隣蕭森自
成族新聞赤帝種子落毛人谷遠祖賜鷦鷯遺芳遍南
陸對烟蘓麻醜夾澗簣簣伏美譽動丹青瓌姿艷秦蜀
因緣鹿苑識想像蛇邱劄幾葉別黃茅何年依白足龍
樹蟄一花砌瑤埽雲屋色靜曼仙花名高給孤獨青葱

太子樹灑落觀音目法雨每沾濡玉毫時照燭離居鸞
節變住冷金顏縮豈念葛陂榮幸無祖父辱光搖水精
串影送蓮花軸江鷺日相尋野鶴時寄宿幽香入茶竈
靜翠直碁局冑羨垣上蒿自多籬下菊從來道生一况
伴龜藏六棲託詎星迴檀欒已雲矗霞杯傳縹葉羽管
吹紫玉久絕釣竿歌聊裁竹枝曲媿生黃金地千秋為
師綠皮襲美詩云笠澤多異竹移之植後楹一架三百
本綠沈森冥冥圓緊珊瑚節鈿利翡翠翎儼若青帝仗
矗如紫姑屏械械微風度漠漠輕靄生如神語釣天似
樂奏洞庭一翫九藏冷再聞百骸醒有根可以執有復

可以馨願稟君子操不敢先凋零李咸用題友生叢竹
云菊華寒露濃蘭愁曉霜重指佞不長生蒲萐今無種
安知植叢筮他年待棲鳳大則化龍騎小可釣璜用留
烟伴獨醒迴陰冷閒夢何妨積雪凌但為清風動乃知
子猷心不與常人共鄭雲臺詩云宜烟宜雨又宜風拂
水藏村復間松移得蕭騷從遠寺洗來踈淨見前峰侵
堦蘚折春芽迸繞徑莎微夏蔭濃無賴杏花多意緒數
枝穿翠好相容杜彥之新栽竹云劖破蒼苔色因栽十
數莖窓風從此冷詩思當時清酒入杯中影碁添局上
聲不同桃與李瀟灑伴書生唐茂業詩云醉卧涼陰沁

骨清石牀冰簟夢難成月明午夜生虛籟
悞聽風聲是雨聲殷文圭詩云叢篁蕭瑟拂清陰
貴地栽成碧玉林盡待花開添鳳食可憐風擊伏龍吟
鈿竿離立霜文靜錦穉飄零粉節深何事子猷偏寄賞
此君心似主人心李中詠竹云森森移得自山莊
植向空庭野興長便有好風來枕簟更無閒夢到瀟湘
蔭來砌蘚經疎雨引下溪禽帶夕陽間約羽人同賞處
安排碁局就清涼又詩云偶自山僧院移歸傍砌栽
好風終日起幽鳥有時來篩月牽詩興籠烟伴酒杯
南牕睡新起蕭颯雨聲迴劉萬堂詩云近牕卧砌兩三叢
佐靜添幽別有功影鏤碎

金初透月聲敲寒玉乍搖風無憑費叟烟波碧莫信湘
妃淚點紅自是子猷偏愛爾虛心高節雪霜中薛長史
竹逕云盤逕入依依旋驚幽鳥飛尋多苔色古踏碎籜
聲微鞭節橫妨戶枝梢動拂衣前溪聞到處應接釣魚
磯李明輔詩云瓊節高吹宿鳳枝風流教我立志歸寂
憐瑟瑟斜陽下花影相和滿客衣韋端已栽竹云寂寞
堦前見此君繞闌吟罷却沾巾異鄉流落誰相識惟有
叢篁似主人無名氏斑竹云濃綠踈莖繞湘水春風抽
出蛟龍尾色抱霜花粉黛光枝撐蜀錦紅霞起交戛敲
歌無俗聲滿林風曳刀鎗橫癡痕苦雨洗不落猶帶湘

娥淚血腥嫋娜梢頭掃秋月影穿林下凝殘雪我今慙
愧子猷心解愛此君名不滅宋徐鼎臣詩云勁節生宮
苑虛心奉豫遊自然名價重不羨渭川侯王元之詩云
東鄰誰種竹偏稱長官心月上分清影風來惠好音低
枝疑見接迸筍似相尋多謝此君意牆頭誘我吟林和
靖竹林云寺籬斜夾千梢翠山磴深穿萬籜乾却憶貴
家廳館裏粉牆時畫數莖看韓魏公竹徑云北榭層基
下森森竹徑幽枝繁低拂蓋根密僅通流勁節輕環粉
狂鞭怒走虬風霜胡可動松柏乃吾儔又詩云翠影參
差漸拂堦清郎曾此占竒栽辭君昔為蓴羹去戀爾今

同菊徑來玉笋勁枝欺暮雪繡殘文籜委寒苔虚心高
節依然在幾見繁英落又開又中書東廳綠篠云莫輕
叢篠綠陰微迸筍方抽嫩玉枝結實他年臻瑞物最宜
栽向鳳凰池梅聖俞叢竹云裊裊幽亭竹團團自結叢
寒生綠罇上影入翠屏中陶柳應慚弱潘花只競紅方
持雪霜操不敢倚春風又栽竹云劖破烟叢帶筍移映
軒臨檻特為宜龍孫已見多竒節鳳實新生入翠枝不
向阮家林下集還思渭北水邊窺一花一草公休詠慣
作蘭臺侍從詩歐陽文忠詩云春榮忽已衰夏葉換初
秀披荒得深蹊婦綠映清晝萬竿交已聳千畝蔚何富

驚雷迸狂鞭霧穉舒文繡虛心高自擢勁節晚愈瘦雖
慙桃李妖豈愧松柏後川原湛新霽林麓洗昏霧猗猗
色可餐滴滴翠欲溜况兹夏首月景物得嘉候晚蝶舞
新黃孤禽弄清味窺深入牕蒙玩密愛林茂依依帶幽
澗隱隱見孤岫林蓀縟堪眠野汲冷可漱鳴琴瀉山風
高瀨發仙奏暑却自蠲渴心間疑愈疲杯盤雜芬芳圖
籍羅左右怡然忘簪組釋若出羈廐矧予懷一邱未得
解黃綬官事偶多閒郊扉須屢叩新篁漸添林晚筍添
薦豆誰邀接離公有酒幸相就司馬温公種竹齋云吾
愛王子猷借宅亦種竹一日不可無瀟灑常在目雪霜

徒自白柯葉不改綠殊勝石季倫珊瑚滿金谷又種竹
云種竹南牆陰竹生皆北嚮苟非陽在北竹性安可強
乃知就陽意草木皆有情園葵最柔弱獨取傾心名又
雙竹云上苑通丹禁修林繞玉堂周阿紆鏤檻並幹擢
新篁瀟灑駢瑤甃連翩拂壁璫虬騰雙角直鯨噴兩鬚
長曉泊烟華重晴留雨氣涼分音成律呂齊秀待鸞凰
碧借雲霞潤清依日月光物情知有謂天造固無方比
節羣誠合虛心至道彰吾君愈勤德不敢有嘉祥孔毅
父詩云老蘚墻陰夕照間何人折我翠琅玕即之綠葉
隨塵化猶有低枝帶露殘不放雲梢侵霰雪因嗟世故

足波瀾故園未乏貧當品十頃繁陰六月寒東坡和子
由園中草木云官舍有繁竹結根問囚廳下為人所徑
土密不容釘慙慙戒吏卒插棘護中庭繞砌忽墮裂走
鞭瘦鈴辨我常攜枕簟來此蔭寒青日暮不能去卧聽
窓風冷又壽星院寒碧軒云清風肅肅搖牕扉窓前修
竹一尺圍紛紛蒼雪落夏簟冉冉綠霧沾人衣日高山
蟬抱葉響人靜翠羽穿林飛道人絕粒對寒碧為問鶴
骨何由肥又於潛僧綠筠軒云可使食無肉不可使居
無竹無肉令人瘦無竹令人俗人瘦尚可肥士俗不可
醫傍人笑此言似高還似癡若對此君仍大嚼世間那

有揚州鶴又綠筠堂次韻子由云愛竹能延客求詩剗
掛墻風梢千燾亂月影萬夫長谷鳥驚棋響山蜂識酒
香只因陶靖節會聽北牕涼又詩云湖濱宜草木修竹
可三尋屢居多野思移種近墻陰及爾迷夫醒方予熱
正侵無嫌不逮本地薄冑成林南隣竹正茂門巷不容
賓懸印君當往囊金我患貧翠旌梢亂起犀角筍初勻
不惜圖書賣端來作主人又文與可以篔簹谷竹遺東
坡答以詩云漢川修竹賤如蓬片斧何曾赦籜龍料得
清貧饒太守渭川千畝在胸中又孤山竹閣云海山兜
率兩茫然古寺無人竹滿軒白鶴不留歸後語蒼龍猶

是種時孫兩輩却似蕭郎筆千畝空懷渭上村欲把新
詩問遺像病維摩詰更無言又詩云洞外復空中千千
萬萬同勞師向竹頌清是阿誰風又霜筠亭云解籜新
篁不自持嬋娟已有歲寒姿要看凜凜霜前意須待秋
風粉落時又此君菴云寄語菴前抱節君與君到處合
相親寫真雖是文夫子我亦真堂作記人又西湖壽星
院此君軒云卧聽謾謾碎龍鱗俯看蒼蒼立玉身一舸
鳴夷江海去尚餘君子六千人潁濱賦園中所有云寒
地竹不生雖生常若病剝根種幽砌開葉何已猛嬋娟
冰雪姿散亂風日影繁華見孤淡一個敵千頃令人憶

江上森聳綠岼勁無風籜自飄策策鳴荒逕又和鮮于
子駿益昌官舍竹軒云幽軒離紛華惟有一叢竹纖梢
起餘寒紫筍散輕馥擢幹春雨餘挺節秋霜足不知歲
時改守此娟娟綠上有吟風蟬空腹未嘗食翦伐非所
辭不受塵土辱又養竹云病竹養經年生筍大如母初
番放出林末番任供口欲求五寸圍更聽三年後蕭疎
盡椽桷無復堪作帚吾廬適營葺便可開戶牖秀色到
衣冠清風盪塵垢物生恨失養養至無不厚斧斤日摧
剝陰陽日難救閑居玩草木農圃即師友養人如養竹
舉目皆孝秀又寄題陳憲郎中竹軒云家有修篁綠滿

軒趨庭詩禮舊忘言
凌霜自得良朋友
過雨時添好子孫
試翦輕筠扶健步
旋收涼葉煮清樽
風流共道勝桑梓
鄰里何妨種百根
又霜筠亭云
林高日氣薄
竹色淨如水
寂歷斷人聲
時有鳴禽起
又篔簹谷云
誰言使君貧
已用谷量竹
盈谷萬萬竿
何曾一竿曲
曾子固南軒竹云
密竹娟娟數十莖
旱天瀟灑有高情
風吹已送煩心醒
雨洗還供遠眼清
新筍巧穿苔石去
碎陰微破粉墻生
應須萬物冰霜後
來看琅玕色轉明
王半山華藏院此君亭詠竹云
一徑森然四座涼
殘陰餘韻去何長
人憐直節生來瘦
自許高材老更剛
曾與蒿藜同雨露

終隨松柏到冰霜煩君惜取根株在欲乞伶倫學鳳凰
黃山谷詩云初侯一畝宮風雨到卧席前日築短垣昨
日始封植平生歲寒心樂見歲寒色翩翩佳公子為致
一窓碧憶公來相居筮吉龜墨食人言陋如何我自適
其適白眼對俗徒醉帽坐歌側人知愛酒爾不解心自
得阿堵絕往還此君是賓客清風吹月來驩甚折齒屐
有節似見聖無言諒知默數回長者車猶恨地未僻陰
雨打葉時曲肱自宴息心游萬物初何處尋轍迹從來
修竹林乃是逸民國韓子蒼次韻種竹云杜陵窮老覓
檀栽不似何郎種笛材三徑莫憂荒草合一樽如與故

人開未堪急兩枝枝打便有幽禽日日来坐誦東坡食
無肉詩腸日午轉饑雷曾吉甫種竹云近郊蕃竹樹手
種滿庭隅餘子不足數此君何可無風來當一笑雪壓
要相扶莫作封侯想生來鄙木奴又竹鞭云獨遶篔簹
徑令人喜欲顛已持蘇老節更著祖生鞭傍舍應除地
新梢擬上天真成時夜卯煨茁想明年葛正夫題竹軒
云不用山僧供帳迎世間無此竹風清獨拳一手支顛
卧偷眼看雲生未生石湖種竹云灑埽宣華舍此君烟
中月下綠生塵他年葉葉清風滿莫忘今年借宅人放
翁贈竹十韻云放翁小築湖西偏虛窓曲檻無炎天人

間乃有真富貴繞舍十萬碧玉椽連林娟娟泣清露高
枝裊裊搖蒼烟常憂俗客觸新粉屢戒園丁傷逸鞭涼
生尊斝消午醉聲撼窓扉驚晝眠春殘劬土得美茁氣
壓卿相食萬錢爾來作吏苦墮窳每一夢到心悽然還
家再見却惆恍塵土何地從臞仙囊中幸藏餐玉法欲
屏萬事相周旋更當待月出東嶺坐石泠泠揮響泉又
東湖新竹云插棘編籬謹護持養成寒碧映淪漪清風
掠地秋先到赤日行天午不知解箨時聞聲簌簌放梢
初見葉離離官閒我欲頻來此枕簟仍教到處隨楊誠
齋新竹云青士何年入大荒羽儀禁省立如墻錦綉半

脫娟娟玉粉節新塗拂拂霜帶雨小酣三日後出牆忽
喜一梢長今年秋閨防多暑剩借先生格外涼又詩云
凜凜冰霜節條條玉雪身便無文與可自有月傳神又
新竹云東風弄巧補殘山一夜吹添玉數竿半脫錦衣
猶半著籜龍未信怯春寒樓攻媿雙竹云蟄龍驚起兩
龍角蛟室未呈雙水犀同本若為分魯衛清風應不愧
夷齊朱子雲谷竹塢云梢蒨桃蹊北蕭穆竹塢深不堪
秋夜永風雨助悲吟劉後村種竹云借居未定先栽竹
為愛踈聲與薄陰一日暫能無鄙吝數竿雖少亦蕭森
窓間對了添詩料郭外移來費俸金自笑明年何處在

虛簷風至且披襟方伯謨斑竹云鳳尾森森半已舒玳
紋滴瀝畫難如虛心不貯相思淚還作風流向綺疏金
高古直苦竹云密葉修莖兩後新冑因憔悴損天真清
如南國紉蘭客瘦似西山採蕨人李獻能丹陽觀竹宮
中移賜云素士如林侍紫清紫清新許住蓬瀛娟娟粉
節霜勻出轟轟烟梢玉削成福地根莖蒙化育中天雨
露借恩榮綠章封事朝來奏又聽風前彩鳳鳴毛端卿
題崢縣郝子玉此君軒云桂林名姓一枝新萬竹青青
德有鄰渭上風烟分別派山陽詩酒屬閒人心期已到
冰霜窟眼界不知花柳塵萱背從今看輝映嫩香新粉

四時春元虞集詩云高竹臨水上幽花在崕陰以彼貞
女姿當此君子心春陽不自媚夕露忽已深湘妃昔鼓
瑟悵望蒼梧岑謝宗可同根竹云競秀冰霜一種竒駢
頭曾脫錦綉兜西山二子情依舊湘浦雙娥影鎮隨高
節原非連理樹虚心共是歲寒枝莫教移作仙人杖恐
化雌雄下葛陂楊廉夫兩竹云倚石添新筍爭妍箇箇
添佳人聽春雨笑隔水晶簾吳元鎮竹窩云阿香怒鞭
籜龍尾斑鱗蝕去痕未洗天風吹作萬琅玕翠壓修林
收不起林深有客樓寒烟玉版已悟禪中禪人間赤日
迴不到著我六月秋冷然青雲欲飛霖雨急佩環聲裏

雙娥泣玉簫驚起老龍眠夜深瀟湘半江碧華維攷養
竹軒歌為周莊吳達子道賦云高軒公子良不俗不種
竒花種修竹竒花照眼一時紅修竹虚心萬年綠春雷
擊地新筍生龍角森森那忍觸自鋤暖土厚栽培手挈
銀瓶細澆沃深根埽除螻蟻窟香葉終期鳳凰宿日使
露濡雨露恩歲寒豈憚冰霜酷猗猗繞戶矗琅玕含霧
連烟比淇澳招搖皓月金瑣碎勾引清風聲曼玉炎天
展簟卧蒼雪春日聽鶯泛醞醪可能一日暫相忘坐對
此君看不足君不見白樂天重言養竹比養賢又不見
東坡詩無竹士俗不可醫君今有竹善培養會看直拂

青雲上王祐夫江上竹云蕭蕭江上竹依依徧山麓晨
霞月明金夕月擁寒玉梢梢綠鳳翼翼青鸞足深磔
疑立壁高節折垂纛荒涼含雨露歷亂同草木不求筍
煮羹不求椽架屋拳條作長笛吹我平調曲丁復竹山
云離離鳳食幹綿互互修巒君子懷靜儀虛貞媚蒼寒
靈嵯發潛穎崇苞闕幽盤筮鄰後蔣詡永結求羊歡白
挺竹陰云占斷人間瀟灑地全身水墨畫篔簹非烟非
霧一林碧似雨似晴三徑涼翠袖佳人黯空谷白鬚道
士隱南塘數竿醉日君須記移向西軒補夕陽成廷珪
詩云居竹軒中也自寬不愁無地著琅玕文公胸次空

千畝李侗門前只一竿天與老夫醫惡俗日憑童子報
平安崔家別墅尤高致遲子歸來守歲寒貢有初雪竹
山房云此君節操獨凌寒冰雪叢中更耐看簾幙影迷
金瑣碎佩環聲動玉闌干只疑元圃翻瓊樹錯訝瑤臺
舞素鸞白戰幾時能著我萬竿深處一憑欄倪雲林居
竹軒云翠竹如雲江水春結茅依竹住江濱階前迸筍
從侵徑雨後垂陰欲覆隣映葉黃鸝還自語榜人白鶴
亦能馴遙知靜者忘聲色滿屋清風未覺貧明高季迪
新篁云南池雨後見新篁裊裊烟梢漸出墻風度亂翻
交穉響露垂微挹粉痕香簾前嫩色初含暝琴畔踈陰

已送涼野飯休燒林下筍留添碧玉嫩竿長又愛竹軒
為陳維寅賦云匡山老客何清真自繞園屋栽蒼筠年
來無肉雖苦瘦家有萬玉誰言貧一竿護惜不忍翦何
以持釣橫江鱗僮來埽葉自可喜客至蹋筍長遭嗔釣
輒啼罷結遠夢碧雲忽墮湘南春涼陰翛翛潤琴硯落
翠冉冉沾衣巾詩成時向節下寫醉墨點破烟痕新風
來清嘯與相荅若聽金奏怡我神知無顏色媚兒女自
古相愛唯幽人洛陽陌上花易過歌鍾競賞勞車輪何
如此君最耐久歲晚結托同情親亂聲朝送簾外雨疎
影夜拂牕前塵我嘗種此欲免俗即今伐盡惟荆榛故

園咫尺未能去移家幸得為子鄰往來儻許如二仲敲
門借看母嬾頻楊孟載湘竹云朝行湘竹下暮宿湘竹
中雲情與雨態萬變俄不同密密深翳日踈踈細含風
新梢露裊裊花節烟濛濛紛如千靈妃從以萬青童幡
幢列縹緲環珮搖丁東來從蔚藍天步入東華宮悵望
不可即翩然若驚鴻天嶠喜而笑低回俯乃恭質堅本
外直性潔緣中空籀爾中弦矢揉之可彤弓冰雪誓不
易肯與時污隆今朝揭春晴更覺翠色濃戢戢琅玕叢
忽見桃花紅直疑路不遠便與桃源通我欲捐輕舟褰
衣入崆峒春禽迎我啼音響諧孤桐終當聽山雨自號

蒼筤翁袁海典詩云聞道南村竹春來接遠坡色侵沽
酒旆聲送濯纓歌甚欲敲門看須憑拄杖過餘陰過西
沼應覆右軍鵝瞿存齋斑竹云班資應受管城封老著
萊衣迹愈窮江上啼紅思二女案邊投筆恨同宗生花
自合來仙鳳全節何勞記守宮賴有良工能採擇繡簾
粧點認遺踪又竹風云直節緣何也動搖枝枝葉葉散
涼飈佳人翠袖應憐薄仙子青鸞不待招晝靜空階如
憂玉月明深院好吹簫何須更覓篔簹洞便駕扶搖上
九霄李西涯竹坡云種竹前坡滿其如秋興何迴含山
氣爽低礙夕陽多有地留冰雪無心鬪綺羅錦衣歸稚

子洗耳聽鳴珂又種竹云種竹幽堂下涼生暑氣微愛
長過我屋看綠上人衣坐久月初出夢回風漸稀一竿
如可釣吾欲問漁磯剩買城中地多應為此君涼生別
院兩綠補後溪雲秋至不改色夢醒時一聞屜居或未
免聊爾洗塵氛吳匏庵詩云種處能招鳳鳥來月明清
影拂書堆筍鞭過石猶斜出花米逢春莫亂開此物似
賢今合薦吾宗醫俗舊曾裁若從後圃論高節梨白桃
紅孰取材文衡山詩云分得亭亭綠玉枝兩餘生意滿
階除凌霄已展踈踈節護粉聊營短短籬肯信移來真
是醉不愁俗在未能醫人間此夜頻前席涼月虛牕更

自宜王鳳洲題竹軒云吾宗雅語世所聞何可一日無
此君汝今卜居但種竹凡草不敢驕相羣籜龍個個迸
春雨鳳尾枝枝干碧雲晨呼阿段汲溪潤洗出瀟湘雙
淚文慎莫學辟疆驅大令又莫學張鷹逃右軍扁舟但
過醫俗士把臂相將醉夕曛吳明卿詩云竹里名依華
子岡何年移傍此君堂鮮筠裊露丹珠細勁節凌霄綠
玉長數畝繁陰飄陸海萬竿踈兩過瀟湘樽邀梁孝園
中月袖拂元卿徑裏霜羌笛未裁龍競奏秦簫欲截鳳
先翔媿娟隔幔琴徽冷葱蒨臨池水脈香居士風流遠
洛下故人消息半山陽異時看去同誰好獨有王猷興

更長申瑤泉竹徑云欲借淇園勝凌霜挺萬竿月來金
影碎風動玉聲寒障暑陰堪息停雲秀可餐相遇惟二
仲盡日倚琅玕又竹粉云浮筠忽自散琳琅解籜依然
抱雪霜應是鳳苞揚素彩非關蝶翅膩瓊芳鉛華半染
湘妃淚玉筍微含漢署香不見侍中頻拭面曉來新雨
沐蒼筤馮琢菴詩云滿地種琅玕修枝蔭茅屋微風如
有會一一鳴寒玉本是瀟湘人最愛瀟湘竹何處邱中
琴歷歷瀟湘曲鄧雪霄竹粉云萬竿晴拂渭川烟解籜
瓊枝自晶然湘水裙搖珠珮冷葛陂雲護玉龍眠看來
翻恨何郎妬栽處應將漢署連六月林間猶帶雪可留

清韻待羣賢于念東竹粉云新抽翠篠碧於妝曠質輝
輝抱節長操幹未須逢越女解苞疑是試何郎痕銷乍
染三湘淚素積猶疑五月霜僕射盤中勞記事未裁斑
管已含光又詩云清溪遶一灣種竹只數箇朝來風籜
踈落水青萍破王德操人鑑詩云幽居思伴侶惟有此
君宜蕭颯既同我清空亦可師吟時聲應和步處影追
隨不作人間態炎涼意便移王蓋臣種竹云劓取江干
老竹根攜歸家去長兒孫他年勁節干霄起招得丹山
彩鳳騫吳孔嘉詩云幾竿清影映牕紗節月梳風帶雨
斜相對此君殊不俗幽齋松徑伴梅花林節甫若撫朱

竹句云截管定諧丹穴鳳採竿應到錦江鱗近時姜青
蓮竹路云山陰峰欲轉人影半雲遮低翠迷芳艸深紅
綻小花驚心春色老觸目竹林斜一道蒼烟裏蕭條三
五家王古鉢去枯種竹云灑然緬昔遊心縈雲溪曲聞
君開三徑萬竿戛寒玉肩輿須徑造便入篔簹谷怒鞭
忽噴砌柔枝亦捎屋時攜嵇阮情侑此盈尊綠頗怪少
陵翁斫之恐不速豈以栖鳳枝乃礙惡陰木會詠淇澳
詩一灑此君屋高念東詩云襍被宿精廬天風鳴珮環
推枕開北牕愛君碧琅玕我來自薊邱黃竹萎且殘嚴
威無華滋清曜如枯禪幸托君子庭森森青鳳翰天姿

豈有殊所殊燠與寒賢達無令名托處良獨難所以千
載人易地乃達觀悠悠大冶中萬變固無端區區偶榮
枯乘化何足言漁洋乞竹云乍消春雪清明過更乞修
篁繞屋栽早起呼兒具冠幘衡門遙待此君來張大支
竹林云竹風靜夜息缺月上竹末覆池影參差竹林日
清活攜琴入竹林獨坐聲未發茗奴拾落桐持帚埽明
月法漢儒詩云布帆南挂北風寒到處人家竹萬竿那
得移來蘭水上春天綠筍伴魚餐唐濟武新竹云生疎
檀版與歌裙意思蕭然愛此君溽暑當風初淅瀝乍晴
於月窳氤氳堦前煮茗松聲亂山下開樽黛色分頗似

琅琊諸子弟數時高屐已青雲邵嶧暉雨竹云綠叢過
雨頓生姿帶霧含烟映漢湄淚落湘娥知幾許至今猶
憶斷腸詩陳其年新竹云瑟瑟篔簹竹陰陰過短牆已
抽千片玉漸作一庭涼此日耽蕭散他年必老蒼甘蔗
須避汝會見出彈章孔東塘詩云舊卧茅齋竹滿欄今
年新筍又成竿相思烟水三千里倩寫墨君紙上看家
初白盆竹云一尺筍篔種低抽碧玉簪近人差免俗待
汝幾成林不少交加翠終輸瑣碎金若為鞭橫逸移向
小庭陰顏遜甫為阮亭題庭前竹云昔在長干陌修竹
接林莽把酒行春風竟日迷來往寒翠淨客衣飄籜亂

清響對此翻離憂欲濟恨川廣長安闢高齋隙地纔如
掌美人來幾時忽見琅玕長西風吹庭戶海月漸東上
邈然懷三山夙結鸞鶴想深叢遞蛩音重露明珠網野
人逝將歸誰與共幽賞高仲治之驥對竹云前年種蓮
復種竹幾日蓮開竹未綠心疑種竹不如蓮笑接露香
珠斷續今歲蓮荒竹生早琅玕嫩玉如新澡始識此君
有遠期蓮枝未若竹枝好君不見秋深霜落竹青時名
花亭榭淨如埽馮大木竹徑云婆娑萬竿竹寒梢弄清
影雨浣石徑滑風動苔花冷足音趺然來一鶴飛人境
孫莪山竹徑云深竹杳無徑幽人自來往步屨不辭數

此君真可賞何如終南山紛紛起塵埃周櫟園亮工朱
竹云高情直與晚楓隣傴舞安知醉有辰舊俗傳為絳
縣老孫枝近作赤城人瀟湘淚盡終餘血淇澳花繁不
是春曾在龍門河畔立支離更見爨中身亂擘桃花映
客酡斜坡鶴頂間青蘿翻新競比紅兒曲截笛留吹赤
帝歌酒醞宜城交未定冠裁薛縣色全訛遙看巖下爛
斑處或是秋深柏葉多許毅士迎年新竹蚤乍與僧叅
玉版禪旋看解籜裊新烟斑龍驚蟄多爭地翠鳳修翎
欲上天鳥坐叢枝歌睨睨月搖虛幌影連娟此君相對
殊瀟灑不厭秋聲攪夜眠曹履霜淑種竹云移得渭川

種栽成青玉林若能醫俗骨我自愛虚心當檻雨聲細
隔簾秋氣深獨看足清賞况有客來尋秦枚謬時昌方
竹云舉世尚圓通爾亦獨合矩不同唯園種亦殊嶰谷
侶直方坤之德鍾秀天特與雖驚世人眼實為君子許
凌凌霜氣凝矯矯峻節舉宿土移數竿歲久森圍墅堅
竹豎為杖登臨藉撐拄毋令柔媚人一朝削圓女錢稼
軒機竹云品在蒼櫚翠篠間篩風舞月致蕭閒長安待
爾裁團扇不愛湘妃有淚斑趙雲崧人面竹云炎荒物
產竒篠蕩出異態近根節愈但節節面具戴五官雖未
備團團具梗概豐上開廣顙銳下剝短喙無須頤頷間

有骨顴輔內得風未能笑滴雨或當醜淡白恰傳粉嫩
綠豈點黛幸無湘淚斑灑作疤痕類密如並頭侶森若
駢首隊雁行排一一魚貫聯輩輩周圍俱外向何處相
君背客攜一株贈摩挲殊可愛不中笛管吹肯截鼓槌
搗量材劖為杖圓潔印竹賽魁顏十八盤數與應真配
詎敢以墨黥烙漆用火續幻出衆羅漢眉目端正在與
我相周旋論文久可耐乃知庶彙繁見間有不逮虞衡
志既遺草木狀未載老夫喜駢麗摘字為尋對閩中佛
手柑吳下鬼目菜先叔祖榕巢公椽竹云別有蒼筤種
惟椽得肖形葉披千片綠幹直一叢青霜殺還為杖陰

深可當屏轉愁良夜坐凝月透牕
楮唐白樂天畫竹歌

云植物之中竹難寫古今雖畫無似者
蕭郎

協律郎下
蕭悅

筆獨逼真丹青以來惟一人人畫竹身肥擁腫蕭畫莖
瘦節節竦人畫竹梢死羸重蕭畫枝活葉葉動不根而
生從意生不筍而成由筆成野塘水邊碕岸側森森兩
叢十五莖嬋娟不失筠粉態蕭索畫得風煙情舉頭忽
見不似畫低耳靜聽疑有聲西叢七莖勁而健省向天
竺寺前石上見東叢八莖踈且寒憶曾湘妃廟裏雨中
看幽姿遠思少人別與君相顧空長嘆蕭郎蕭郎老可
惜手顫眼昏頭雪色自言便是絕筆時從今此竹尤難

得方雄飛方著作畫竹云疊葉與高節俱從毫末生流
傳千古譽研鍊十年情向月本無影臨風疑有聲吾家
釣臺畔似此兩三莖吳子華壁畫折竹詩云枯纏藤重
歌雪渭曲逢湘江別不是從來無本根畫工取勢教摧
折宋梅聖俞畫竹扇云石上老瘦竹忽在紈扇中執之
意已涼不待搖清風小節未見粉淚痕應合紅日將炎
暑退畏蠹生秋蟲東坡書晁補之所藏與可畫竹云與
可畫竹時見竹不見人豈獨不見人嗒然遺其身其身
與竹化無窮出清新莊周世無有誰知此凝神若人今
已無此竹寧復有那將春蚓筆畫作風中柳君看斷崖

上瘦節蛟蛇走何時此霜竿復入江湖手
鬼子拙生事舉家聞食粥朝來又絕倒
諛墓得霜竹可憐先生槃朝日照首
霜吾詩固云爾可使食無肉山谷畫
墨竹贊云人有歲寒心乃有歲寒節
何能貌不枯虚心聽霜雪又次韻謝
斌老送墨竹云古今作生竹能者未
十輩吳生勤枝葉荃窠遠不逮江南
鐵鉤鎖最許誠懸會燕公灑墨成落
落與時背譬如剗心松中有歲寒在
湖州三年筆與前哲配規模轉銀鈎
幽賞非俗愛披圖風雨入咫尺莽蒼
外吾子學湖州師逸功已倍有來竹
四幅冬夏生變態預知更入神後出
遂無對吾詩被壓倒物固

不兩大又題子瞻墨竹云眼入毫端寫竹真枝掀葉舉
是精神因知幻化出無象問取人間老斲輪王澹莽伍
才答秦兵部求墨竹云夜到茅亭近竹籬影垂寒月下
苔墀吟餘未嬾蕭疎興曾寫離披一兩枝墨傳高節未
為精虛辱佳篇拂素屏不敢持毫強羞縮喜公心已厭
丹青李昉英題東坡竹云葉葉枝枝各縹致密密疎疎
總風味筆為化工壁為地刻頃種成此君子雖然月影
水影寫真似安得千年尚生意放翁乾明院觀畫云唐
年蘭若占間坊名畫蕭條半在亡簌簌疎篁常似雨陰
陰古屋自生涼入門壘鼓初催講喚馬斜陽欲滿廊顯

晦熟思真有數萬全竒迹葉頽墻又嘉祐院壁間觀文
湖州墨竹云石室先生筆有神我來拂拭一酸辛敗墻
慘澹欲無色老氣森嚴猶逼人慣閱冰霜元耐久耻隨
兒女更爭春紛紛可笑空摹擬爾輩毫端萬斛塵柯敬
仲題文湖州畫折竹橫冊云湖州放筆奪造化此事世
人那得知楚然何處見生氣彷彿空庭月落時金趙顯
夫黃華墨竹云老可能為竹寫真東坡解與竹傳神墨
君有語君知否須信黃華是可人淡墨閑臨謝文真蕭
然林下自風神世間亦有丹青手只解尋常寫市人王
利賓題扇頭竹云輕紗畫竹雀柄短不盈握暑氣正憑

凌清風一何邈龐延之鑄墨竹隔溪烟雨圖云一溪流
水玉娟娟溪上脩篁接暮烟誰倩能詩文與可筆端移
得小江天又秋風驟雨圖云瀾川急雨暗秋空無限琅
玕淡墨中劍甲縱縱軍十萬欲將貔虎戰斜風又春雷
戩蟄圖云千梢萬葉玉玲瓏枯槁叢邊綠轉濃待得春
雷驚蟄起此中應有葛陂龍元遺山德和墨竹扇頭云
靜裏離離新粉動時細細清香明月清風自在紅塵白
日何妨又龍門公墨竹風烟夕翠云涓川東望水雲寬
雨潤煙濃下筆難今日龍門圖上看蕭郎只合老荒寒
烟梢露葉捲秋山揮灑縱橫意自閑莫問筆頭龍未化

看看霖雨滿人間又題喬夫人墨竹云萬葉千梢下筆
難一枝新綠儘高寒不知霧閣雲牕晚幾就扶疎月影
看只待驚雷起蟄龍忽從女手散春風渭川雲水三千
頃悟在香巖一擊中元張伯長墨竹云麝墨芸香小玉
叢澹烟橫月翠玲瓏小屏春瑣綠窓夢也勝湘江烟雨
中王元善題醉隱墨竹云清溪映竹竹連雲冉冉晴梢
醉墨新却為歲寒心事苦暖煙濃淡要橫陳露梢風葉
喜晴春醉埽吟看卧竹根欲見此君生意盛滿川煙雨
半龍孫又題金顯宗墨竹云離離香粉淡爭妍莫作荒
寒景趣看絕似承華宮檻畔春風和露濕闌干一枝蒼

雪映遼江滿意春烟鎖建章監國撫軍仁孝在不應游
藝較蕭郎筆藝初非羨顯宗承華主曾兩冲容天教二
十年陰賜護養風雷見籜龍午牕翻盡顯皇書問寢龍
樓孝有餘夢到承華欄檻底露梢煙葉儘扶踈程雪樓
李仲賓風竹橫披云平生著處惟栽竹為愛千雲度雪
姿何似卷中三五箇閒來舒卷看參差趙子昂題李仲
賓野竹圖云偃蹇高人意蕭踈曠士風無心上霄漢混
迹向蒿蓬袁踈寮墨竹老竹云蹇蹇凌雲志霜餘節更
存春風宜管領生意屬兒孫又嫩竹云奮雷初出地承
露已凌烟願從朝元駕為旄拂九天又風竹云直道犯

無隱虛心明且清側身思遠舉巖壑養深情又雨竹云
曉沐換新綠萬采成空塵守黑心不緇同元道彌真又
上都客舍亡宏為作風竹云門巷泥深笑獨清此君瀟
灑未忘情無端昨夜風花急却送秋聲作雨聲又李仲
賓墨竹圖云筆底元雲冰雪姿瀛洲玉佩映參差如何
昔日閩中令晚歲羞稱老畫師虞伯生子昂墨竹云子
昂畫竹不欲工腕拍所至生秋風古來篆籀法已絕止
有木葉雕蠶叢黃金錯刀金屈鐵大陰作兩山石裂蛟
龍起陸真宰愁雲暗蒼梧泣湘血吳興之竹乃非竹吳
興昔年面如玉波濤浩蕩江海空落月年年照秋屋又

子昂竹云憶昔吳興寫竹枝滿堂賓客動秋思諸公老
去風流盡相對茶烟颯鬢絲又為歐陽少監題宋好古
竹云幕中能寫竹作此兩瀟湘出石根還瘦臨溪影更
長班班稚子立一一鳳雛將日有長安使平安問老蒼
又題趙師舜所藏雪竹圖云鳳凰臺畔竹猗猗別出參
差玉一枝閱盡雪霜心似鐵高風惟許歲寒知馬伯庸
墨竹扇頭云冰紈已却暑况此碧琳琅好伴玉塵尾涼
颼滿高堂又息齋風竹圖云往年家住篔簹谷丹鸞之
實美如粟元雲翻空下深靚昆吾寶刀削秋玉石衣漬
錦侵書光風微粉墮生細香琳管瑤臺九天近夜寒笙

磬聲鏘鏘萬斛蒼煙鬱江雨二妃彈瑟瀟湘浦
筒蜀酒亦堪沽蟠石雙杖令誰取河朔歲晏冰為梁
羣木鱗皴臨雪霜遲汝狂飈莫吹裂截管他年侑帝觴
又題李仲賓墨竹云石田筆確萬琅玕天乞幽人寫素紈
帝里未求吹鳳管溪翁先覓釣魚竿玉烟乍合春還暖
書粉初飄露已溥聞道路河單舸賤截篙樂去看江湍
高敬叔題管夫人竹窩圖云雲梢露葉秋聲古萬玉叢
深翠蛟舞此君擬結歲寒盟拄笏相看立煙雨過雨
山牕斜映日帶煙霜節總宜秋凍雷迸出千崖翠勒此
高歌微素侯楊厚菴題松雪翁墨竹云蘅蘭倚修竹
寂寞生幽

谷比德如夷齊於此受命獨側石狀竒峭橫竹枝扶踈
猗蘭復參立信哉德不孤又畫竹云翡翠含春霧琅玕
振曉風清聲來枕上秀色入簾中萌芽成虎豹變節作
蛟龍正直唯吾與清修必子從又扇上竹云種竹何須
種萬竿一枝分影亦檀欒秋宵更受風披拂聽取清聲
入夢寒又題墨竹云嶰谷陰寒石如鐵箨龍僵立露骨
節春雷動地萬物活畏汝飛騰衝石裂攢青聚綠生巖
幽海濤引起風颼颼年年三伏林下卧白晝慄慄如深
秋陳伯旅題畫竹扇子云江上竹枝歌為君顰兩娥秋
風團扇底零落黛痕多又題李學士嫩竹圖云楚雨初

晴野水生新篁落粉鷓鴣鳴洞庭春去湘娥老緱嶺人
吹紫玉笙陳載堂題畫鈎勒竹云素節亭亭不可移珊
瑚為榦玉為枝高堂歲晚看圖畫彷彿清風見伯夷又
題柯學士畫竹云羣玉仙人佩水蒼金莖分露服琳琅
曾將天上昭華琯吹作飛龍奉玉皇又題柯博士墨竹
云京洛緇塵染素衣故園清夢苦相思歸來無限江南
意寫作春風暮雨枝又題管夫人竹云綺牕春影綠婆
娑夢作輕雲覆碧波日莫是誰調錦瑟一江烟雨泣湘
娥吳誠一師道兩竹圖云千年舜妃淚一幅湘川雨掩
卷不忍題余心正懷古又息齋墨竹云長憶東陽舊使

君秋風吟倚瘦休文石根數葉蕭蕭碧長伴幽人一壑
雲碧鮮迎舞翠華臨一日清風滿禁林得士雖聞諸老
薦報恩誰識此君心彭城一派接洋州千載真傳屬薊
邱舉世隨風翻墨水凝神誰識與天游王元章息齋雙
竹圖云李侯畫竹真是竹氣韻不下湖州牧墨波翻倒
徂徠山筆鋒移出簣管谷千竿萬竿清影遠百丈十丈
意自足就中分取一兩枝別是山陰瀟灑族踈梢颯颯
鳳尾顫修幹隱隱虯龍伏憑軒忽若秋風來坐使旁人
脫塵俗我生愛竹太僻酷十載狂歌問淇澳歸來不得
翠琅玕聽雨冷眠溪上綠而今已斷那時想見景何曾

動心目便欲為君真致之相對空牕慰幽獨又柯博士
竹園云先生元是丹邱仙迎風一笑春翩翩琅玕滿腹
造化足須尖筆底開渭川我家只在山陰曲脩竹森森
炤溪綠只今榛莽暗荒烟夢想清風到茅屋今朝看畫
心茫茫坐久忽覺生清涼夜深明月入高堂吹簫喚來
雙鳳凰杜本子昂竹云紈素精明照耀人此公已往筆
如神能知八法仍知韻始識吳興善寫真岑安卿求葉
仲輿寫墨竹扇面云此君一日不可無子猷篤愛心歡
愉延平官舍斬伐餘稽山倦客心煩紆先生拋官南海
來胷中邱壑爭崔嵬筆端造化奪天巧穉龍一夜驚春

雷素絹團團翦秋月願染元霜寫幽絕蕭然便覺風雨
生頃刻清寒屏炎熱昔時與可稱絕倫息齋近世尤逼
真我持此扇出門去要使襪材咸萃君吳元鎮畫竹云
解籜初聞粉節香拂雲又見影蒼蒼鳳凰不至伶倫老
無奈荆榛特地長長憶前朝李薊邱墨君天下擅風流
百年遺迹留人世寫破湘潭夢裏秋愁來白髮三千丈
戲寫清風五百竿幸有穎奴知此意時來几上弄清寒
此君不可一日無繞著數竿清有餘露葉風梢承硯滴
瀟湘一曲在吾廬葉葉如聞風有聲盡消塵俗思全清
夜深夢遶湘江曲二十五絃秋月明低垂新綠影離離

倚石臨泉一兩枝憶得昔年今日見鳳凰池上雨絲絲
有竹之地人不俗而况軒牕對竹開誰謂墨奴能倒景
一枝獨上紙屏來又畫竹云霏霏桃李花競向春前開
如何此君子四時清風來亭亭月下陰挺挺霜中節寂
寂空山深不改四時葉野色入高秋寒影逝湘一作空
影映湖
水日午思晚一作北窗涼清風為誰起竹牕思闕寂銅博香
委曲胸中無用書寫作湘之綠逕深茅屋陋樹倚夕陽
斜行遍青山路何邱不可家抱節元無心凌雲如有意
置之一作寂寂空山中凜此君子志忽見不是畫近聽疑有
聲落落不對俗涓涓長自清湘妃祠下竹葉葉著秋聲

鸞鳳清宵下吹簫坐月明短梢塵不染密葉影低垂忽
起推篷看瀟湘過雨時碧篠挺竒節空霏散冷露十年
青山游得此幽貞趣片片落花心悠悠飛絮意清風明
月中此風不可企日日行青山無竹不可留可憐春風
中桃李多春愁又文同風篁蕭瑟圖云翠羽參差自一
叢湘江清影澹微風開圖忽覩題痕處羨殺當年笑笑
翁鄭保思元祐子昂臨東坡竹云戲墨王孫似子瞻雞
棲石上看甃甃汴京回首西風急流落江南共海南鄭
西涯東題管仲姬墨竹圖云賜讌曾陪玉座傍琅玕光
彩映椒房秋風此日愁無限恰與茗溪秋水長貢師泰

題李則平憲副所藏息齋竹云滿川風雨長篔簹吹作
參差三鳳凰籜粉已翻龍甲紫墨花還染羽毛蒼春寒
弱榦當軒潤日暮清陰入酒涼便欲截筒鳴嶰谷却愁
彈瑟望瀟湘倪雲林題柯敬仲竹云誰能寫竹復畫善
高趙之後文與蘓檢韻蕭蕭人品係篆籀渾渾書法俱
奎光博士生最晚耽詩愛畫同所趨興來揮灑出新意
孰謂高趙先乎吾又畫竹云珍重黃華父子遺風得似
洋州松雪於今冥冥房山去後休休我愛焦君味道筆
端點綴清新規模虎兒早歲未窺北苑入神又題畫竹
云為寫新梢十丈長空庭落月影蒼蒼王君胸次冰霜

潔剪燭談詩夜未央又畫竹贈王允剛云子猷借地種
修筠何可一日無此君葉籠書席搖翠雨陰結香爐屯
綠雲文孫住近吳江渚二仲遨遊如蔣詡置酒邀余寫
竹枝隔竹庖人夜深語又管夫人畫竹云夫人香骨為
黃土紙上蕭蕭墨色新情斷鷗波亭子上鏡臺鸞影暗
凝塵吉雅謨丁畫竹云雨過蛟龍起風生翡翠寒但存
清白在日日是平安顧阿英題文湖州竹云湖州昔在
湖州日日逢人寫竹枝一段枯梢作三折分明雪後
上牕時鄭成九題宋王孫雨竹云閨閣春寒寫素屏兩
枝如玉立亭亭分明自注銀潢水白日天階洗鳳翎貢

有初題竹云翩翩么鳳下晴空半入江雲半落風憶昔
瀟湘泊船處玉簫聲斷月明中又東坡竹云玉堂罷直
獨歸遲墨潘將秋入研池坐到夜深清不寐瑣牕涼影
碧參差又柯博士竹云丹邱遺老舊詞臣歷代圖書鑒
賞頻閒却玉堂揮翰手墨池染出鳳毛新馬伯恪題墨
竹云拂雲標格歲寒心墨色分陰重又輕不似渭川千
畝綠只和風雨作秋聲張伯雨李仲賓雪竹云斷縑黯
淡何人墨四十年前老薊邱向使戴家多種竹雪中那
肯便回舟又遵道竹枝云篔簹谷口白雲生雲裏琅玕
萬玉聲驚破幽人春枕夢一牕斜月半梢橫劉永之寫

墨竹二枝并題與章子愚云落日洞庭西曾聞唱竹枝
十年江海別風雨漫相思華維攷畫竹云挺挺琅玕三
澗邊半含春雨半含煙怪來筆底清如許老子胸中有
渭川丁鶴年畫竹云拂素寫晴牕亭亭玉一雙蒼龍雷
喚醒風雨徧湘江舒頓竹溪書屋圖為黃克文題云清
溪溪上竹無數愛竹移家竹林住階前老竹鏗玉聲秋
夜讀書露竹露書聲繞屋雜竹聲竹色侵書助書趣竹
根個個長龍孫竹上鸞鳳亦來聚有時攜琴倚竹彈兩
袖清陰分竹翠雲梢月幹竹弄影杖竹尋詩過橋去平
生性癖亦愛竹不問主人造竹所君不見一筇投陂忽

變化萬卷蟠胸勝插架張虞臣題竹云萬里高風不自
由琅玕掀舞一天秋何人笙鶴歸來晚縹緲仙城十二
樓于斯立題墨竹云先生舊隱鑑湖曲無數琅玕繞屋
生蕭蕭六月動秋思不是風聲即雨聲鄧文原題高房
山墨竹圖云人纔有我難忘物畫到無心恰見工欲識
高侯三昧手都緣意與此君同陶溫如題墨竹云把燭
倩官奴娟娟入畫圖秋聲風雨外照見碧珊瑚又題紈
扇折枝竹云翦來青鸞尾挂向珊瑚鈎明月照清影一
握湘江秋潘伯修題柯博士墨竹云嶰谷春回落粉香
拂雲又見影蒼蒼月明後夜吹簫過應是伶倫學鳳凰

釋良琦題馬公振畫竹云馬氏白眉者隱居婁水湍閒
將筆五色醉埽玉千竿露重鳳毛碧月明龍氣寒春山
歸正好稚子喜相看明劉青田題墨竹云蒼梧山下無
窮竹畫是湘妃淚種成烟雨不銷千古恨珮環虛度九
秋聲見愁牧豎乘時代可待伶倫學鳳鳴獨立淒涼對
圖畫為君惆悵一沾纓高季迪題雨竹云巫峽雲連湘
水低行人路滑畏深泥不見朝陽鳴鳳至春陰日日鷓
鴒啼又題扇上竹枝云寒梢雖數葉高節傲霜風寧肯
隨團扇秋來怨篋中又管夫人竹云晨開粧鏡有青鸞
寫得當年舞影看零落彩雲何處夢鷗波亭上正春寒

又倪元鎮墨竹云倪君好畫復耽詩瘦骨秋來似竹枝
前夜夢回如得見紙牕斜影月低時揚孟載管夫人墨
竹云霧鬢雲鬟洛浦神冰肌玉骨衛夫人都將松雪齋
中意偏寫瀟湘雨外真又倪雲林畫竹云寫竹是傳神
何曾要逼真惟君知此意與可定前身張來儀倪元鎮
畫竹云雲林之子有仙骨平生好潔如好色紛紛濁士
等沙蟲嗚呼瓚也何由得憶昔常登清閼堂鵲尾爐爇
龍涎香紹京妙墨僧繇畫示我不啻千明璫人間萬事
如飛電洗玉池空人不見季子城東土一坏何人為著
黔婁傳繡衣使者騎青驄曾聽竹枝湘水東歸來見此

若夢寐巴陵洞庭生眼中江湖豪翰今零落君得此圖
良勿薄媿我題詩憶故人黃鶴題詩下寥廓劉彥昂炳
題趙文敏公墨竹云坡翁老可俱已仙誰寫石上青琅
玕淇園蕭條白日晚渭水寂寞西風寒歸來三徑無人
共翡翠參差涼露重瀛海終期釣六鼇緱山自擬櫻雙
鳳八月秋高夜向沉長梢彷彿生清陰千尋楚水三閭
操萬里天山屬國心洞庭溟溟波浪急模糊爪甲蛟龍
蹟悵望天涯翠袖愁一片湘雲淚痕濕劉子高崧題雨
竹圖云怪石凝雲氣橫枝浥露香故人渺何許秋意滿
瀟湘又題雨竹云滄波石面晚陰涼翠篠娟娟過雨香

何許鷓鴣啼不斷黃陵祠下是三湘孫仲衍蕢墨竹云
洞庭春盡水溶溶錦瑟輕寒起卧龍行客欲投蒼水佩
亂雲遮斷九疑峰誰拈秃筆寫淒迷亂石橫江碧玉低
猶記畫船初泊岼落花時節郭公啼歲蕤萬玉曉撐風
應是清溪野水東更畫接羅顛倒著嫩涼添我絲陰中
劉菊潭泰題雪竹云雪霽湘川絕點埃冷枝寒葉脆難
開舜妃昨夜遊何處騎得翩翩白鳳回練子寧奉題匏
菴所藏畫云鶴羽脩脩弄月明篔簹谷裏暮寒生憑誰
截作參差玉吹出伶倫嶰谷聲百尺長松石上栽紫雲
深護碧崔嵬綠蓑坐釣磐陀石細雨斜風不肯回方希

直斑竹圖云湘君泣盡淚痕乾翠袖蕭蕭倚暮寒却憶
洞庭為客處滿湖風月泛舟看又題東坡畫竹云內翰
何年寫畫圖眼中驚見鳳毛孤一枝潤帶江南雨遂使
眉山草木枯卓元凱墨竹云洞庭木落水生波斜月虛
牕露氣多虞帝不歸秋色晚滿江烟雨泣湘娥夏維詰
徽廟墨竹云寶殿無心論治安碧牕著意寫琅玕枝枝
葉葉真瀟灑不道金人不愛看陶幼文安墨竹云烟雨
空濛翠影雙滿林清氣逼寒江雲間禁直青綾夜一片
秋聲起瑣牕王佩書紳題墨竹云瀟湘江上暮雲迷落
日無人翠羽低穢權黃陵廟前宿一篷春雨鷓鴣啼金

少維為戴容安題扇竹云三徑清陰生晝寒滿林新長
碧琅玕何時截作參差玉吹向瑤臺聽紫鸞又題墨竹
贈貢士鄒觀云虚心秉高潔不受一塵侵五月清溪上
蕭蕭風滿林挺挺瀟湘玉平生意獨耽玉堂風雨夜思
爾隔江南又題竹云翠拂琅玕落粉香無端春色滿瀟
湘美人學得青鸞曲何處吹簫聽鳳凰熊蓋臣直瀟湘
雨意圖云萬竹叢深日未晡寒江烟雨翠糝糊東風無
限瀟湘意却倚篷窓聽鷓鴣王輔臣紱過華叔瑞草堂
寫晴竹於壁上云我愛君家遠城郭遶簷竹色侵簾幙
醉中揮翰寫晴梢湘雲一剪春陰薄看來頓覺風氣清

耳邊恍若聞秋聲
嘯歌到晚不歸去
高卧翠陰呼月明
高連城壁題畫竹
云極目蒼梧遠傷心
泣二娥試看枝上
露不及淚痕多
商子堅輅墨竹為
戴震先生題云一
林蒼玉發新梢
彷彿朝陽見鳳毛
勁直不隨霜雪變
也應素節養來高
淡墨何年寫此君
牕前彩鳳見來頻
虛心不改歲寒意
為有清風是故人
羅節之倫題畫竹
與蕭球云玉英臺
下路半夜舞青鸞
龍孫眠不得踈影
上欄杆王世昌越
烟雨萬竿圖為松
陵曹少誠作云瀟
瀟南下路漫漫薄
暮歸來倚棹看踈
雨澹烟秋一片滿
江飛翠濕衣寒
王廷周佐畫竹云
瀟湘綠玉崑崙石
移向

高堂之素壁四座涼風帶雪吹半牕疎雨和烟滴九疑
夢斷瑤瑟寒貼雲影落雙飛鸞霓旌掩舟欲歸去美人
持贈青琅玕也曾拂拭蒼苔色坐弄參差楚天碧曲終
日暮山鬼啼自寫幽情寄相憶李西涯墨竹云翠珮瑤
環昨夜風渚雲飛盡楚王宮青娥舞罷婆娑曲人在空
山月影中又畫竹云山風與溪竹共作一林秋行人休
更住前路有鈎輈旭日照珊瑚秋風碧海枯只愁龍化
去不敢鬪齊奴又畫竹云漢臯亭上起秋風夜逐湘靈
下楚宮曉入碧雲看不見墮鈿遺佩各西東又墨竹云
亂石層厓捲暮湍秋風吹老碧琅玕蒼蒼月色蕭蕭籟

迸作空堂一夜寒陳亮題畫竹云王維遠矣蕭郎死墨
竹古來俱可數自從老可出湖州世人始信前無古此
圖高古不知名欲與湖州相抗衡森森矛戟自相向浙
浙枝條如有聲高堂素壁時張挂瀟灑渾疑却炎夏莫
言無地種琅玕自有清風滿圖畫李仲文時勉仲昭竹
為韓侍御題云渭川一千畝此地兩三竿盛夏那知暑
隆冬亦傲寒清陰連野外翠色上雲端不是全高節如
何耐久看聶士貞大年題仲昭竹云舍人老作鄖陽守
尚愛揮毫寫竹枝絕似艤舟江水上鷓鴣啼斷雨來時
楊升菴題仲昭竹寄陶良伯云太常胸次瀟灑寬少年

愛寫生琅玕白頭藝苑更入妙筆法遠追王孟端兩家
名藻雄吳下品題未覺風流亞一紙能令百世傳兩竿
不啻雙金價人言畫竹非畫工草書結構將無同誰家
高堂名寶繪徐熙花鳥迷青紅玉人佳興松江東寄圖
索賦隨長風遙知把玩清香裏正是相思明月中吳匏
斧題夏太常墨竹卷為楊郎中題云友石山人去不還
派傳墨竹在岷山長身迴出雲烟外踈影平分水石間
管列笙竽陳雅樂聲回環珮入清班此君此日常相見
種處從今手可芟又題王孟端贈趙定軒墨竹云鳳凰
池上掌絲綸餘興依然見墨痕戲寫一枝何處贈吳門

相見趙王孫秋風欲動覺蕭蕭萬木空憐葉自凋見說
舍人高致好一枝惟許換吹簫周行之用文與可竹云
風梢如許墨津津知道胸中有渭濱敢望鷺溪三百足
却憐太守故清貧太守清貧喚不聽筆尖想見玉亭亭
擬持三百鷺溪絹賸埽風梢萬尺青又李夫人畫竹云
蜀國猶餘舊錦裙平生那識郭將軍誰教明月臨脩竹
影落空床欲夢雲湘江妃子淚斑斑龍馭南巡竟不還
故國何人忘此恨却傳清影落人間邱璠山畫孤竹云
大易象蒼筤古詩詠淇澳君子哉若人離人立於獨程
篁敦題劉廷問舍人所藏夏仲昭太常晴雨二竹云太

常醉搦紫宣毫不寫李王金錯刀閣舍朝回卷簾處楚
江風雨戰秋濤舊宅依稀練水傍古墩幽竹自成行披
圖却似身重到刺眼脩脩鳳尾長陸潛源題屈處誠雪
竹云蕭蕭雲物滿堂寒屈老風神向筆端帶雪琅玕三
百箇蔣家徑裏見袁安倪孔昭敬題兩竹圖云鷓鴣啼
斷雨毵毵獨倚闌干酒半酣威鳳不來秋已老暮雲凝
碧暗湘南謝雲士湘江風雨畫竹云雲深蘭露泣雙鬢
獼髓流香翠點斑一望蒼烟三萬里不知何處九疑山
又畫竹為湯宗器題云曾記瀟湘繫短篷隔江烟雨翠
重重驚雷忽報春消息一夜靈根長籜龍李君寶晴竹

云新粉指可拭舊青玉不如翠葆何方來奕奕迎仙姝
又寫新竹云雨過春坡一尺泥玉芽迸出筋頭齊蜻蜓
翅薄蜂鬚短綠影差差野日西王鳳洲題畫竹云野夫
策杖村南復村北處處東君恠消息瞥然縞素一枝橫
又見琳琅數竿碧一枝春之先數竿春之後俛仰天地
間與爾成三友衡門掩卧不一旬淇園太瘦無精神樵
青已侵翠鳳尾颺母吹散玉龍鱗賴得吳鎮及王冕前
與二友傳其真虛堂展看僅盈尺二友居然侍吾側問
之不言對以臆睂宇肅肅吐佳色吾不能學范詹事西
遣關中使却寄江南春消芳悴粉何足論吾不能學家

騎曹不可一日無所至植此君封籬護籜何紛紛二友
寓吾麓儼若洛下東西兩頭屋一頭翦得瀟湘雲一頭
小貯羅浮玉鎮也九烟吐吸天漿腴兒亦磊砢節目非
凡夫扶輿清氣合此圖快矣乎快矣乎此圖此友吾不
孤馮琢菴題畫竹云何人寫此青琅玕滿堂爽颯生秋
寒居然坐我三逕下數莖不動風珊珊柏溪先生隱於
酒戲拈秃筆大如帚一幅淋漓竹亦醉醉竹合與先生
友轟轟三株狀殊絕迥若蒼虬立烟雪別有一枝秀且
長青鸞整翮從風翔葛陂化龍去已久至今屏障生輝
光我觀此圖懷耿耿墨花亂落團圞影素節偏宜君子

堂虛中獨立尚書省尚書華省鳳池隅新長孫枝引鳳
雛夔龍禮樂方大備伶倫之管公所須此君何可一日
無黃應德仲昭墨竹為林信傳賦云籠葱翠玉擅風標
白石清泉伴寂寥安得伶倫裁鳳管五雲深處和蕭韶
楊希周旦題宋徽宗墨竹云蕭瑟烟梢滿壁風宣和御
記墨痕中後來大有王孫草流落天涯一樣工沙漠從
無玉萬竿冰天雪窖太嚴寒枝枝掃出傷心畫猶當江
南夢裏看徐文長題畫竹染綠色云我亦狂塗竹翻飛
水墨梢不能將石綠細寫鸚哥毛趙漸齋畫竹云墨池
烟水晚生寒急雨敲牕亂竹竿蒼玉橫斜滿屋壁却疑

清影月中看馬季思畫竹句云破硯鋤教數蕊折管城
裁取幾枝斜釋麟洲煙雨萬竿圖云空江秋雨又秋風
疑殺山前路不通多少黃陵莎草恨盡情歌在竹枝中
近時王漁洋為門人朱悔人題竹云小竹山人寫叢竹
渭川千畝起毫端愛渠低亞清溪水幾箇橫斜拂釣竿
茆齋青壁幾年成溪路無人畧約橫一夜春雷動嵯谷
四山風雨籜龍驚楊水心涵題自畫竹云一片清光拂
碧雲滿天秋籟有誰聞小齋幾日莓苔雨徑欲擔鋤移
此君蔣揚孫廷錫題墨竹云畫竹不如真竹真枝葉易
似難得神風晴雨露皆有意子瞻與可無其人去歲闕

地新栽竹枝葉離披覆茆屋竹梢枯勁竿清瘦久久可
以醫吾俗昨夜雨過月上時壁上掩映青青枝張子對
之無一語淋漓潑墨發異思淡烟輕霧筆底生枝枝盡
帶風雨聲移向乾明寺中挂壁上好撰張顛名杭堇浦
畫竹云七十二竹派派各有意此君太惜墨何不寫
滿紙王東田墨竹云子猷舊好能持贈快掃雪磴相因
依胸中黃塵論斗失眼底青雲成片飛意欲蕭疎格蒼
老不似世人徒畫草清陰三徑想如斯底事江鄉歸不
早閨秀曹希韞墨竹句云記得小牕岑寂夜月移疎影
上東墻金德人順題管夫人墨竹云妙墨由來數仲姬

閨房靜對寫風枝王孫若解凌霜節合署鷗波老畫師
宋蘓東坡水龍吟詞云楚山修竹如雲異材秀出千林
表龍鬚半翦鳳膺微漲玉肌勻繞木落淮南雨晴雲夢
月明風裊自中郎不見桓伊去後知辜負秋多少聞道
嶺南太守後堂深綠珠嬌小綺牕學弄梁州初遍霓裳
未了嚼徵含宮泛商流羽一聲雲杪為使君洗盡蠻風
瘴雨作霜天曉嚴三休沁園春詞云竹馬美哉愛竹者
誰曰君子歟向佳山水處築宮一畝好風烟裏種玉千
株朝引輕霏夕延涼月此外塵埃一點無須知道自樂
其樂吾樂吾廬竹之清也何如應料得詩人清矣乎况

滿庭秀色對拈彩筆半牕涼影伴讀殘書休說龍吟莫
言鳳嘯且道高標誰勝渠君誰看正繞坡雲氣似渭川
圖唐李東川籬筍云東園長新筍映日復穿籬迸出依
青嶂攢生伴綠池色因林向背行逐地高卑但恐春將
老青青獨爾為昌黎詠筍云竹亭人不到新筍滿前軒
乍出真堪賞初多未覺繁成行齊婢僕環立比兒孫驗
長常攜尺愁乾屢側盆對吟忘膳飲偶坐變朝昏滯雨
膏暎濕驕陽氣候溫得時方張王挾勢欲騰騫見角牛
羊沒看皮虎豹存攢生猶有隙散布忽無垠詎可持籌
算誰能以理言縱橫公占地羅列暗連根狂劇時穿壁

羣強幾觸藩深潛如避逐遠去若追奔始訝妨人路還
驚入藥園萌芽防寢大覆載莫偏恩已復侵危砌非徒
出短垣身寧虞瓦礫計擬掎蘭蓀且嘆高無數庸知上
幾番短長終不校先後竟誰論外恨苞藏密中仍節目
繁暫須迴步履要取助盤飧穰穰翻地森森競塞門
戈矛頭戢戢蛇虺首掀掀婦懦咨聊揀兒癡謁盡髡侯
生來慰意詩句讀驚魂屬和才將竭呻吟至日曷樂天
食笋云此州乃竹鄉春笋滿山谷山夫折盈把抱來早
市鬻物以多為賤雙錢易一束置之炊甑中與飯同時
熟紫籜坼故錦素肌擘新玉每日遂加飡經時不思肉

久為京洛客此味常不足且食勿踟躕南風吹作竹李
長吉昌谷北園新筍云籜落長竿削玉開君看母竹是
龍材更容一夜抽千尺別却園池數寸泥斫取青光寫
楚詞膩香春粉墨離離無情有恨何人見露壓烟啼千
萬枝家泉石眼兩三莖曉看陰根紫陌生今年水曲春
沙上笛管新篁拔玉青李義山初食筍云嫩籜香苞初
出林五陵論價重如金皇都陸海應無數忍翦凌雲一
寸心皮襲美聞開元寺開筍園寄章上人云園鎖開聲
駭鹿羣滿林蘚籜水犀文森森競泣林梢雨巘巘爭穿
石上雲並出亦如鶩管合各生還似犬牙分析烟束露

如相遺何允明朝不茹葷宋梅聖俞新筍云挑筍春雷
後晴坡過雨時何言江外早已比洛陽遲園客自偷賣
主人那得知徒令養新竹待與作藩籬東坡送筍與公
擇云久客厭鹵饌枵腹思南烹故人知我意千里寄竹
萌駢頭玉嬰兒一一脫錦裯庖人應未識旅人眼先明
我家拙厨膳羶肉芼蕪菁送與江南客燒煮配香粳又
謝惠貓兒頭筍云長沙一日猥邊筍鸚鵡洲前人未知
走送煩公助湯餅貓兒突兀鼠穿籬子由食筍云林竹
抽萌不忍挑誰家盈束伴晨樵籜龍似欲號無罪食容
安知惜後凋不願鹽梅調鼎味姑從律呂應簫韶林間

老煞雖無用一試冬深雪到腰山谷食笋云洛下斑竹
筍花時壓鮭菜一束酬千金掉頭不肯賣我來白下聚
此族富庖宰蠶粟戴地翻穀棘觸墻壞齷齪入中厨如
償食竹債甘藟和茵耳辛膳脰薑芥烹鵝雜胶掌炮鱉
亂羣介小兒哇不美鼠壤有餘喂可貴生於少古來食
共噫尚想高將軍五溪無人采又蕭吳葛敏修二學子
和予食筍詩次韻答之云北饌厭羊酪南庖豐筍菜自
北初落南幾為兒所賣習知價廉平百態事烹宰鹽稀
枯腊瘦蜜漬真味壞就羹煨茁美豈念炮烙債咀吞千
畝餘胸次不薑芥二妙各能詩才名動江介論詩多佳

句膾炙甘我嘬思君恩養竹萬籟聽秋噫從此繕藩籬
下令禁漁采韭黃照春盤菰白媚秋菜惟此蒼竹苗市
上三時賣江南家家竹翦伐誰主宰半以苦見踈不言
甘易壞葛陂雕龍睡未索兒孫債獺膽能分杯琥珀妙
拾芥此物於食穀如客得儼介思入帝鼎烹忍遭饑涎
噉懶林供翰墨礎杵風號噫每下嘆枯枝焚如落樵采
又胡朝請和食筍詩輒復次韻云人笑廉郎負滿腹飯
寒菜春動食拍動筍茁入市賣回首萬錢厨不羨廊廟
宰民生暫神奇胞雋伐性壞忍持芭蕉身多負牛羊債
籜龍不稱冤易致等拾芥蕭蕭烟雨姿壯士持戈介駢

頭沸鼎烹可口垂涎嘍霜叢負後凋玉食香餘噫續詩
無全功葑菲儻可采韓子蒼答蔡伯世食筍云葍絲化
鹽豉槐葉資新麵豈知苦竹萌風味常獨擅昔我居錦
城屢喫田家飯扶杖自入箐煨此犢角蠶後叅鶴林禪
餽我桑門饌丞丞沸鼎中亂下白玉片惟無他物存始
覺真味現三年客東都錦籜寧復見千金洛陽來惟充
大官膳前時過君食欣逢故人面那知列仙臞已雜蒯
通雋吾寧飽甘肥憤吒那忍嚙請歸謂主孟厨人後當
諫苦苴雜嘉蔬沉香和甲煎柯亭既誤椽畫障或遭練
古來可嘆事千載寄明辨作詩弔籜龍助子當食嘆秦

少游次韻范純夫戲答李方叔饋筍魚簡鄧慎思云楚
山冬筍劇寒空北客長嗟食不重秀色可憐刀切玉清
香不斷鼎烹龍論羹未愧葺千里入貢當隨傳一封薄
祿養親甘旨少滿包時賴故人供陳簡齋食筍云竹君
家多材楚楚皆席珍成行著錦袍玉色映市人惠然集
吾宇老眼簷光新麪生亦稅駕共慰藜藿貧不待月與
影三人亦相親可憐管城子頭禿事苦辛披譜雖同宗
聞道隔幾塵詩成聊使寫一笑驚比隣唐子西長沙竹
筍云地入長沙莫嘆卑竹萌徑尺舊相知九重纔復金
門籍萬里先叅玉版師契濶累年真負口徘徊彌月未

妨脾渭川風味那能對中有離騷九辨辭黃公度謝傅
參議彥濟惠筍用山谷韻云北方九月霜冰盃無生菜
嶺南信地暖窮冬竹萌賣君念庾郎貧蠶粟供庖宰中
有歲寒姿真時久不壞前身渭川侯千畝償宿債珍可
配天花賤不數石芥早韭與晚菘奴僕望賓介文園酒
渴餘想不厭姑嘍預恐吹作竹明日東風噫急須驅兒
童傾筐攜采采曾吉甫食筍云花事闌珊竹事初一番
風味殿春蔬龍蛇戢戢風雷後虎豹_{斑斑}霧雨餘但使
此君常有子不憂每食嘆無魚丁寧下番須留取障日
遮風却要渠張芸叟謝南軒筍脯云使君喜食筍脯味

全勝肉祕法不肯傳閉門課私僕君不見金谷饒客本
萍蓬豪世藉此真成癡但令長鬚日致饋不敢求君帳
下兒石湖謝李叔介送筍云墮地錦裯茁解衣溫玉姿
來償食竹債大勝伏雌炊少日羹藜子老來煨芋師盤
餐登異味拍動已先知放翁苦筍云藜藿盤中忽眼明
駢頭脫襁白玉嬰極知耿介種性別苦節乃與生俱生
我見魏徵殊媚媼約束兒童勿多取人才自古要養成
放使干霄戰風雨又湖上筍盛出戲作長句云鱗鱗穿
苔璫瑁簪按行日夜待成林養渠百尺干霄氣見我平
生及物心賸插藩籬憂玉折預期風雨聽龍吟明年又

徙囊衣去誰與平安報好音又詩云列仙閱世獨清癯
雪谷冰溪老不枯輸與錦裯孩子輩千金一束入天厨
朱喬年新筍云一雷驚起籜龍兒戢戢滿山人未知急
喚蒼頭劖烟雨明朝吹作碧參差梅雨冥冥相已齊連
雲篁竹暗蠻溪短萌解籜登雕俎錯落黃金驪曷蹠朱
子新筍云脩脩江上林白日暗風雨下有萬玉虬三冬
卧寒土又次韻謝劉仲行惠筍云誰寄寒林新劖筍開
奩喜見白差差知君調我酸寒甚不足封侯食肉姿君
詩高處古無師島瘦郊寒詎足差縛得獐龍并寄我句
中仍喜見雄姿楊誠齋都下食筍自十一月至四月戲

題云竹祖龍孫滑上居供儂樽俎半年餘斑衣戲綵春
無價玉版談禪佛不如若怨平生食無肉何如陋巷飯
斯蔬不須庾韭元修菜吃到憎時始憶渠又看笋云筍
如滕薛爭長竹似夷齊獨清只愛錦裯滿地暗林忽兩
三莖又煮筍云金陵竹筍硬如石石猶有髓筍不及嶺
南市裏筍如酥筍味清絕酥不如帶雨剷來和籜煮中
含柘漿新甘露可壅可膾最可羹繞齒齧齧冰雪聲不
須咒筍莫成竹頓頓食筍莫食肉又記張定叟煮筍經
云江西毛筍未出尖雪中土膏養新甜先生別得煮筍
法丁寧勿用醯與鹽巖下清泉須旋汲熬出霜根生蜜

汁寒牙嚼出冰片聲餘粒仍和月光吸菘羔楮雞浪得
名不如來參玉版僧醉裏何須酒解醒此羹一碗爽然
醒大都煮菜皆如此淡處當知有真味先生此法未要
傳為公作經藏名山金孫偉莽邦傑燒筍云煨茁舊聞
山谷語勸耕還憶大蘓詩傳將火候無多訣留得天真
又一竒未放錦裯開束縛已看玉版證茶毘白麻初拜
驚燒尾見此應慙富貴癡元吳元鎮筍云綠陰晝靜南
風來晴梢拂拂烟花開籜龍走地牙角出班班玉立橫
蒼苔長鑿穿雲石路滑錦衣脫裯玉版白鳴牙未下冰
雪壘開籠先放揚州鶴鄭氏允端筍云竹林春雨過瘦

筍迸苔長坐待成高節清標出短墻明楊孟載食燒筍
留題陳惟寅竹間云春雷一聲萬簪玉參差亂迸莓苔
綠斬來埽葉當逕燒何異炷其煮秋菽登盤查牙玉版
肥焦尾碎剝蒼龍皮山人大嚼無以報寫作林間燒筍
詩于慎行紀賜鮮筍云殊錫光生玉筍班曾從青簡賦
檀欒蒲筐乍解香盈座錦繹初分綠滿盤一飯疑含仙
禁雨三秋猶憶北牕寒慚無鳳實儀千仞祝有龍孫長
萬竿近時王漁洋洪昉思送湘州筍云周妻何肉斷根
塵玉版聊堪結淨因贏得武康斑竹筍從今休笑庾郎
貧宋牧仲題錢舜舉筍云古烟一抹春雨注嶰谷蟄龍

想騰翥青苔迸地生，鈴竈千尺琅玕錦，綉護金鴉背，劖
平臺東風味殊佳，懷舊圃好趁江國爛，朱櫻上座聊叅
玉版去，王抱山謝惠筍云：食指今幾動，厨珍遠見分。初
生黃犢角漸長，水犀文饒飽，聞與可風高想，右軍朝來
尚抱節，計日欲凌雲。玉版叅應熟，龍團雅不羣。何郎信
知味，食此美於葷。家初白，鞭筍云：雨後竹走鞭，鈴竈瘦
相引小僮撥土裂，劖取如拾菌，烹之媚盤餐，下箸吾未
忍，寸鞭何足惜。惜者來年筍，朱子驄新筍云：移居僻地
避煩囂，誰與琅玕共寂寥。濃露一簾深院落，籜龍齊放
到墻腰，才受南風綻翠胎。傍牕緣砌不須栽，江南春蓋

桃花過曾共鱖魚入饌來姜學在題畫筍云籀龍新長
滿前汀想見枝生葉更青便擬與君同側耳秋聲齊向
畫中聽仲鱗舟承述新筍云正值江南穀雨時無邊新
味佐春危行來已是毘陵道每飯常叅玉版師謝又紹
道承冬筍云蒼巖鬱寒姿先雷蓄孤勁砒崖凍壑中氣
盛萌欲迸譬諸君子心虛直含至性胚胎何貞堅節目
自苞孕長鏡雪外攜劔取雪沒脛清幽比蘭德潔白同
玉瑩品格遠膏腴烹飪戒餽飮莫嫌滋味薄能使襟懷
淨試看山林人蕭然去俗病陳寶所鞭筍云貓頭穿徑
罷龍尾挂崖初軟玉真憐汝長饒合付予一匙抄白飯

五日斷花豬肯待園丁報方尋有竹居宋錢思公筍玉
樓春詞云錦籜參差朱檻曲露濯文犀和粉綠未容濃
翠伴桃紅已許纖枝留鳳宿嫩似春萸明似玉一寸芳
心誰管束勸君速喫莫踟躕看被南風吹作竹近時陳
其年新筍河傳第十體詞云新筍初引烟梢墜粉花闌蒸
菌斑痕隱隱舞透銀墻翠畛小園春已盡釜中一斛瀟
湘碧霜刀劈糝芼河豚自留幾圍籠礪靡他時成龍破
壁飛吳穀人筍尾犯詞云餘花晚徑問烏衣來否翠尖
新迸暗泥掀破今番占斷閒園盈頃禁人踏去早屐響
籬根靜記天寒翠袖籠時嫩紅偏肖纖影節物旋過燒

茗配櫻厨玉版勝早食單催點酒地先煨肯遲幽興試
到深山聽只幾日籜敲烟暝憑夕照老盡孫枝晚鞭挑
向霜冷宋陳季常竹米行云竹君亢宗擅楚墟一一修
聳山澤矐風流秀整與世殊楚俗食息皆爾須薪之籬
之且蘧篠筭莒箱篋籃筴溝瓦厥祖羹其雛隨索斯
獲掇諸塗今歲麥秋旱歲餘得麥僅足償官租竹君憫
農如士夫著花結子千林俱密砌玉粒綴琉珠株擷
取雖鎚銖彌頃亘畝無閒株磋磨蒸炊勝雕胡鄰里乞
索水火如坐令顰蹙與歌呼野叟好事能分吾香清而
冽甘而腴此君行能不一書此惠及物旋就枯摩頂放

踵忘其軀所學無乃墨者徒老子苟祿天之隅袖手無
策蘇婢孤投七三嘆吾慚渠唐杜少陵桃竹杖云江心
蟠石生桃竹蒼波噴浸尺度足斬根削皮如紫玉江妃
水仙惜不得梓撞使君開一束滿堂賓客皆嘆息憐我
老病贈兩莖出入爪甲鏗有聲老夫復欲東南征乘濤
鼓柂白帝城路幽必為鬼神奪拔劍或與蛟龍爭重為
告曰杖兮杖子爾之生也甚正直慎勿見水踴躍學變
化為龍使我不得爾之扶持滅跡於君山湖上之青峰
噫風塵瀕洞子豺虎咬人忽失雙杖兮吾將曷從昌黎
鄭羣贈篔簹云蘄州笛竹天下知鄭君所寶尤瓌竒攜來

當畫不得卧一府傳看黃琉璃體堅色淨又藏節盡眼
凝滑無瑕疵法曹貧賤衆所易腰腹空大何能為自從
五月困暑濕如坐深甑遭烝炊手磨袖拂心語口慢盧
多汗直相宜日暮歸來獨惆悵有賣直欲傾家資誰謂
故人知我意卷送八尺含風漪呼奴埽地鋪未了光彩
照耀驚童兒青蠅側翅蚤蟲避蕭蕭疑有青飈吹倒身
甘寢百疾愈卻願天日恆炎曦明珠青玉不足報贈子
相好無時衰微之山竹杖云深院虎溪竹遠公身自栽
多慚折君節扶我出山來貴托安危步難將混俗材還
投鞞川水從作老龍回賈閭仙斑竹杖云揀得林中最

細枝結根石上長身遲莫言滴瀝紅斑少恰是湘妃淚
盡時杜牧之斑竹筒簟云血染斑斑成錦紋千年遺恨
至今存分明知是湘妃淚何忍將身卧淚痕宋曾吉甫
人面毛竹杖云麥秋氣清和槐夏日陰翳塊然守蓬蒿
何以破昏滯肩輿卒輩乏徒步脚力費出門即林邱散
策空夢寐賸為猶子憐詎以此君至分明人面目刻劃
老根祇毛君又一竒枝榦不少異想應開一束妙簡得
三四今晨入吾手夷險可歷試芒鞋與周旋白拂相嫵
媚人生七十希况復已過二多謝汝扶持無乃太晚計
又竹奴云霧帳桃笙晝寢餘此君那可一朝無秋來冷

斑竹杖訪友亦稱竒獨倚花飛處閒拖月上時堪憐無
飲物老去結新枝唐濟武製杖云回首蹉跎五十春臣
當壯也不如人祇今池上龍鍾竹好伴山中骯髒身宋
牧仲以方竹杖贈悔人云寧州方竹亦一竒截以為杖
良所宜四稜獨異碧篠蕩七尺誰琢黃琉璃杖以我為
朱髯餉相扶直到廬山上勸君慎勿規而圓本色一改
不值錢家初白詩筒云誰將圍寸竹截作徑尺筒粉筠
削盡肌理出玉質外瑩其中空為君滿貯詩千首投以
琅玕報瓊玖寄去寧煩六六鱗捧來須得纖纖手又青
奴云織作文加翠留筠發冷光卷舒隨笛簟瑩滑稱藤

誤削圓偏稱深衣同此舉漫誇長笛大如椽有時閒為
吟詩出徙倚中庭月一甌明陳眉公方竹杖詩云外方
而內虛得道已無上不作漁郎竿還劉仙人杖周竹坡
少隱題東坡帶笠云持節休誇海上蘇前身應是牧羊
奴為嫌朱紱當年夢故作黃冠一笑娛遺迹與公歸物
外清風為我襲衣襦憑誰喚起王摩詰畫作東坡帶笠
圖近時錢如畿竹夫人云肌骨清寒氣味真藤牀當暑
不辭頻秋風一夜恩先斷始信人情太不仁王西樵湘
竹馬鞭云新亭一何遇拄頰為爾嗟詎有瀟湘質居然
作馬搗張蕭亭竹杖云瀘水紅藤子尋春固自宜湘江

點硃奚藉神僧禁白出翻成里句嗤拳勇豈能忘喜怒
聲消孰與辦公私最憐掌握供驅使大異公孫井底時
錢稼軒竹夫人云南國宜消暑西軒早薦清問奴青載
綠留客素同盟君子華偏重佳人絕代驚根非陳下體
影不隔長檠烟外移心賞宵分得目成慣憎鴛被暖久
別鳳簫聲憶昔栽培厚蒙今拂拭榮名園猶故土賤妾
本孤生萬个風曾櫛三盆雨舊傾婉顏叅玉版結束賸
柴荆剖碧瓜初破苞黃粉尚盈繁絲抽乙乙密綺疊庚
庚慧果澄千眼柔條繞一莖搗文魯手貴流握楚腰輕
性愧因人熱操堅不字貞為容辭籀錦寫恨付桃笙美

牀比扇三秋棄如童五尺長玲瓏須會取即事有炎涼
又椶竹杖云海山產異竹厥萌不常有移君軒墀前適
用非適口一年長一寸寸累已久碧玉內堅剛椶皮
外粗醜尋丈經百年居然竹中叟金鴉劖作杖鉅細纔
可手下有根生鬚上有葉垂筓故人念我老分贈意良
厚衰遲形影孤配爾如得偶嘉惠胡敢忘命之曰執友
朱望子竹蛙詩云竹根摹擬巧能通刻作蝦蟆製獨工
痲癩身剛隨節密彭亨腹恰就心空鎮書無力因非玉
注水難容奈異銅攜向粧臺臨寶鏡影還疑蝕廣寒宮
褚稼軒竹田雞云田父羣居在水湄篔簹剗腹且藏之

透華月百竅玲瓏認秋骨粉融青汗細含風劇得寒姿
沁肌髮篔簹紋不動銀蒜搖跂足欲學汀鷺翹館娃一閉
清夢隔似替橫陳學細腰玉肌成削刃身窄道是承恩
竟當夕莫訝宵中冰體涼中有湘江一奩碧又竹帳云
織竹成堆孰所教湘中巧匠費推敲踈簾四面玲瓏望
細篾千絲屈曲交埽榻不煩除疣葉擁衾猶得數煙梢
商量清士差堪卧銀蒜紅珠一例拋馬朗山竹簾云湘
竹斑斕縷細裁影搖渾似水波推玲瓏挂月絲絲透遮
隔分雲段段開關住爐煙多半去吹將花氣未全來丁
當翡翠簾櫳響驚破陽臺好夢回明喬夢符吉竹衫小

恐籛篠褻貧嫵管蒯爭含胎任顛倒揮汗莫縱橫免俗
慵攜偶棲寒韻解醒羊車奚藉引鸞扇每先迎組織羞
中婦嫻嬛記小名迴身疑撼管鏗爪叶調箏獨宿支持
定相思宛轉明扶牀長似我撫節瘦憐卿爨下材蕪采
泥中怒豈振有懷通內裏無語待深更靜訴平安信涼
猜薄倖情商弦何處奏角枕與誰并策老猶甘夢吟秋
定補鳴龍鍾才未謝捐棄意難平慰反勞荀倩啼應學
女英娟娟愁暮倚籬籬赴遙征良會懲河漢愆期過燕
鶯卷衣忘彼美虛館似吾甥割臂三霜在窺墻半面呈
明年北窗悞還許抱孫行杭堇浦竹夾膝云綃帳深更

幾尺宵來御輦頻辭一生疎直許誰知霜砧來別院紈
扇憶同時唐段柯古造雲藍紙句云三十六鱗充使時
數番猶得表相思宋劉良佐紙帳云老來何物是生涯
一榻蕭然亦自佳睡裏山禽弄霜曉夢回明月上梅花
頗知常侍嫌烏布未羨先生坐絳紗竄愛灑牕風雪夜
道人施法復何加元謝宗可紙帳云清懸四面剡溪霜
高卧梅花月半牀蠶甕有天春不老瑤臺無夜雪生香
覺來虛室神光發睡去閒房好夢長一枕總無塵土氣
何妨留我白雲鄉又紙衾云雪擣溪藤一幅新醉來高
卧付詩人松床夜暖雲生席蕙帳香融雪滿身翡翠多

令詞云并刀剪龍鬚為寸五絲穿龜背成文襟袖清涼
不沾塵汗香晴帶雨肩瘦冷搜雲是玲瓏剔透人近時
吳梅村竹夫人南柯子云玉骨香無汗從教換兩頭受
人顛倒被人勾只是更無腸肚更風流嬌小通身滑玲
瓏滿眼愁有情性主溫柔怕的一時拋擲在深秋陳其
年竹夫人臨江仙云孤竹君原稱苦節晚移弱息江村
夜涼薦寢暫承恩斑留江上點冷浸月中魂青女秋來
休見妒此身自有根源化為橫笛響夔門但憑關塞曲
吹裂小龍孫又云十載蕭蕭湘岼住捎煙惹雨參差如
今枕畔露華滋身居消暑殿夢到竹郎祠琢就細腰冰

幾尺宵來御輦頻辭一生踈直許誰知霜砧來別院紈
扇憶同時唐段柯古造雲藍紙句云三十六鱗充使時
數番猶得表相思宋劉良佐紙帳云老來何物是生涯
一榻蕭然亦自佳睡裏山禽弄霜曉夢回明月上梅花
頗知常侍嫵烏布未羨先生坐絳紗竄愛灑牕風雪夜
道人施法復何加元謝宗可紙帳云清懸四面剡溪霜
高卧梅花月半牀蠶甕有天春不老瑤臺無夜雪生香
覺來虛室神光發睡去閒房好夢長一枕總無塵土氣
何妨留我白雲鄉又紙衾云雪擣溪藤一幅新醉來高
卧付詩人松床夜暖雲生席蕙帳香融雪滿身翡翠多

情嫌寂寞鴛鴦無分樂清貧枕邊不作紅塵夢睡足梅
花玉洞春又紙鳶云孤鶩穩駕剡溪雲多少兒童仰羨
頻半紙飛騰元在已一絲高下豈隨人聲馳空碧東風
曉影度遙天化日春誰道致身無羽翼迴看高舉絕紅
塵明胡希顏克仁題紙帳云紫絲步障最奢華卧雪眠
雲自一家雪又不寒雲又暖扶持清夢到梅花翟宗吉
紙扇云齊紈魯縞漫紛紜曾似溪藤獨建勳玉斧修成
天上月金刀剪落洞中雲三都貴價供詞賦一榻清風
却垢氛作事題詩總相稱練裙何必羨羊欣郭希聲紙
牕云偏宜酥壁稱閒情白似溪雲薄似冰不是野人嫌

月色免教風弄讀書燈近時高念東風箏云飛翥重霄
也大難如何脫手便雲端偶然借得東風力已賺羣兒
仰面看家初白觀造竹紙與朱竹垞聯句云信州入建
州篁竹冗于篠居人取作紙用穉不用老遑惜簫笛林
緣坡一例倒束縛沉清淵殺青特存縞五行遞相賊伐
性力揉矯出諸鼎鑊中復受杵臼擣不辭身糜爛素質終
自保汲井如汰淘盈箱費旋攪層層細簾揚熇熇活火
膏舍粗乃得精去溼忽就燥擘來風舒舒暴以日杲杲
箬籠走南北適用各言好緬惟邃古初書契始倉皐自
從史記煩方策布豐鎬中經祖龍燔孰敢撲原燎漆簡

及韋編殘灰迹同埽當時禍既脫賴爾生不早漢代崇
師儒家各一經抱截緝蒲柳姿刀削詎云巧如何創物
制乃出寺人造麻頭魚網布棄物收豈少後來逾爭竒
新製越意表山苗割藤芟水澁採苔藻桑根芥以斯蠶
繭機不絞澄心光緻緻錦面光晶晶研宜金粉膏繪作
龍鸞爪桃花注輕紅松花染深縹鴉青密香色一一隨
浣澡十樣益部箋萬番傳癖橐紛然輸館閣逃矣來海
島要為日用需若黍稷梁稻惜哉俗暴殄塗抹太草草
俗詩蠅蝮鳴俗書蛇蚓繞俗學調必排俗文說多勦流
傳人有集刷印方未了積穢惟土苴餘殃毒梨棗或污

蝸角涎或供橐角飽或為肉馬蹋或被饑鼠齧糊牕信
兒童覆瓿信翁媪遭逢幸不幸所繫豈鮮杪平生嗜竒
古卷軼事研討秘笈藉爾抄籙金匪吾寶響搨溯籀斯
斷碑拓洪趙提攜白刺史著錄庶可考由拳法失傳將
樂槽苦小楚產肌理踈晉產膚澤槁物情相倍蓰美惡
心洞曉非無雲霞膩愛此霜雪皎小疊熨貼平摺載付
達道預恐壓歸裝又滋征權擾又宣德紙云小印分明
宣德年南唐西蜀價爭傳儂家自愛陳清潁不取金花
五色牋九萬山陰何敢望澄心百幅亦應難從今稍變
歐梅例一首詩須博一番趙秋谷風鳶云節候遷移物

入雲線影暗憑童稚引風聲高逼帝天聞傷鴻病鶴知
多少息羽垂頭合讓君彭容臣紙鳶云無多骨格幸輕
身結束乘風體製新但見飛揚矜得勢豈知操縱只由
人凌霄行道昂頭遍落地旁觀拍手頻線索有時全沒
用溝中敗紙不堪論又紙糊猫云從來象物惟新造假
假真真貌得無朽腹只堪容敗紙嘉名久已信狸奴花
陰覆案應須卧骨鯁當前不任呼愛爾也能驚腐鼠夜
深伴我讀韓蘇朱望子紙鷲云肥身長項宛然成舒雁
堪加舊雅名換字山陰宜道士寄籠陽羨可書生毛乾

似已眠沙暖掌潤如曾潑水清縱便矯廉嬾鷓鷯不教
頻戲為聞聲又紙貓云裝造狸奴點綴勞好將形色辨
分豪粘膠貼就金銀眼蘸筆描成黑白毛健懶莫知因
縮爪雌雄難別為藏尻無情安望多靈異須藉旁留却
鼠刀又紙雞云背距毛衣巧飾精翰音形狀竟如生看
來宛有俱全德聽去如無不惡聲置向閒牕談未得養
雖如木鬪難成羣兒戲弄非求媚天寶坊中似有名又
紙鳶云紙竹相資傾刻成飛騰如鳥羨身輕戾天旱麓
詩同詠削木公輸技並精箏向空中風正急燈懸雲際
火偏明升高但惜難為主收放由人看雨晴褚稼軒紙

雞云心巧裁成稱五德粉糊廢紙一番新尚懷孟德空
餘肋似困劉琨竟失晨飲啄俱忘還索鬪羽毛粗具便
堪珍水牛竹馬應同傳寄語兒曹次第陳羽毛豐滿費
經營雞鳳姿容土木成恬似守雌徵素養誼難烹伏愧
交情秦闕過客誇啼曙齊境遺民悞養生几上昂然如
鶴立兒童不惜掌中擎又紙糊貓云烏圓異種許誰如
粉墨傳神意有餘共信顏名能捕鼠也知忘食可無魚
義同乳子交歡日靜似窺人對局初二李當年應愧爾
腹中畛域已全除又紙鷺云長頸高冠性似癡冶金劉
木昔聞之行波粉掌紅霞艷側理膠翎白雪姿置表何

從行在見繫書難達內庭知蔡州夜半徒勞繫為報鵝
羣不飲池沈歸愚紙鳶云剪紙為鳶雜素繒入雲無迹
勢凌兢清明佳節仍兒戲楊柳遙村漾綵繩野鶴盤回
爭展翮牧人操縱試麾肱戾天也足逍遙趣不羨圖南
海運鵬徐尚之書受紙帳云一枕遊仙夢流蘇漫自懸
疊時柔勝雪鈎處暖生烟影共冰綃薄光欺霧縠鮮桃
花明鏡裏紅到夜燈前錢竹初紙鳶云鵠刻何因骨化
仙長繩一繫竟翩然也憑人力看升墜便向天衢較後
先得路孤蓬誇放手乘風斥鷃敢隨肩排空且慰兒童
望休擬高吟似管弦竹素遊心薄采繒干雲定欲到凌

競飛騰自我成孤唱牽引隨時守直繩肯遣置身輸弱
羽未須構巧出奇肱扶搖會借東風便莫笑溟池有息
鵬宋侯蒙紙鳶臨江仙詞云未遇行藏誰肯信如今方
表名踪無端良匠畫形容當風輕借力一舉入高空才
得吹噓身漸穩只疑遠赴蟾宮兩餘時侯夕陽紅幾人
平地上看我碧霄中王聖與紙被高陽臺云霜紙剝皮
冰花擘繭滿腔絮濕湘簾抱甕工夫何須待吐吳蠶水
香玉色難裁剪更繡鍼茸線休拈伴梅花暗卷春風斗
帳孤眠篝熏鵲錦熊氈任粉融脂浣猶怯癡寒我睡方
濃笑他欠此清緣揉來細軟烘烘暖儘何妨挾纈裝綿

酒魂醒半榻
黎雲起坐詩
禪明王西樓
紙鳶紅繡鞋
云
平地上白雲
一片駕東風
飛上青天任
兒童牽引且
隨
緣你道是閒
遊戲我道是
小登仙有一
日斷塵根歸
閬苑

附錄

錦竹草也似竹而斑
宋梅聖俞詩云雖作湘竹紋還非
楚筠質化龍徒有期待鳳曾無實本與凡草俱偶
親君子室

附錄

篇竹即爾雅所謂竹篇蓄似小藜赤莖節好生道旁節
間白花葉細綠郭璞云詩綠竹猗猗即王芻也今呼為
白腳沙一云即鹿蓐草又云篇竹今辭賦引入竹事大

誤也

錄附
竹菜生竹林下似芹科而莖葉細